

Superinfo

22.12.2017. / broj 186

*Čestit Božić
i sretna
Nova godina!*



UKIDAJU SE INTERVJUI
ZA PRIJEM U ŠKOLE?



POSTIGLI SMO STABILNOSTI I
GOTOVO RIJEŠILI BUDŽETSKI DEFICIT!



SKUPŠTINA ČELIKA
26. DECEMBRA



ZENIČANI S BENDOM
MILIGRAM ULAZE U 2018.



AUTO DIJELOVI • AUTO SERVIS • PRODAJA VOZILA



NOVO U PONUDI!

Jeste li znali da gume punjene dušikom
štede gorivo i produžavaju
vijek trajanja gume?



AUTO DIJELOVI

Sve potrebno za održavanje
vašeg motornog ljubimca!

- rezervni dijelovi za putnički, gospodarski i poljoprivredni program,
- auto gume svjetski poznatih proizvođača,
- motorna i industrijska ulja,
- motorne pile i oprema iz programa Husqvarna i Stiga,
- skutere Keeway,
- poljoprivredni strojevi...



AUTO SERVIS

Pripremite vaš automobil
za zimu!

- izmjena antifriba, tekućina za vetrobransko staklo ...

Najkvalitetniji
lanci za snijeg!



- dijagnostika putem računala,
- geometrija...

Imate li SOFA MM karticu pogodnosti?

Zatražite svoju
karticu
i ostvarite
pri svakoj kupnji do

-10% popusta

te razne
druge pogodnosti



PRODAJA VOZILA

Nova i rabljena vozila

OVLAŠTENI TRGOVAC I SERVISER



Tel: 030 718 582

VELIKA NAGRADNA IGRA

od 15.11.2017. do 28.02.2018.

Napravi račun
veći od 100 KM
ispuni kupon i
ubaci u nagradnu kutiju!




Kupi u Sofi,
nagradu osvoji!

SOFAMM

AUTO DIJELOVI • AUTO SERVIS • PRODAJA VOZILA

SVEUČILIŠTE/UNIVERZITET „VITEZ“



Spremini za izazove
informacijske budućnosti!



Mi cijenimo vrijednosti
znanosti i visokog obrazovanja!



Kvaliteta potiče
obrazovanjem!



Inovativna edukacija uskladena s
potrebama tržišta rada!

FAKULTET INFORMACIJSKIH TEHNOLOGIJA

- Poslovna informatika
- Informacijske tehnologije

Osnovni studij (I. ciklus) 3+2 i 4+1;
magisterski studij (II. ciklus);
doktorski studij (III. ciklus)

FAKULTET ZDRAVSTVENIH STUDIJA

- Sestrinstvo
- Fizioterapija i radna terapija
- Sanitarni inženjerинг

Osnovni studij (I. ciklus) 3+2 i 4+1;
magisterski studij (II. ciklus)

FAKULTET PRAVNIH NAUKA

- Opće pravo
- Krivično-finansijsko pravo

Osnovni studij (I. ciklus) 3+2 i 4+1;
magisterski studij (II. ciklus);
doktorski studij (III. ciklus)

FAKULTET POSLOVNE EKONOMIJE

- Poduzetnički menadžment
- Financije, računovodstvo i revizija

Osnovni studij (I. ciklus) 3+2 i 4+1;
magisterski studij (II. ciklus);
doktorski studij (III. ciklus)



Međunarodni master studij (MBA)
Međunarodni doktorski studij (PhD)

SVEUČILIŠTE/UNIVERZITET „VITEZ“

Školska 23, Travnik, +387 30 509 750, +387 30 509 763
www.unvi.edu.ba info@unvi.edu.ba

SRETAN I RADOSTAN BOŽIĆ I USPJEŠNA NOVA 2018. GODINA

NOVČANE NAGRADE ZA NASTAVNIKE



Vlada Zeničko-dobojskog kantona po prvi put je iz kantonalnog budžeta isplatila jednokratne novčane nagrade za 114 nastavnika osnovnih i srednjih škola za uspjeh učenika na takmičenjima, smotrama, javnim nastupima i konkursima za školsku 2016/2017. godinu, a u skladu sa Kolektivnim ugovorom za djelatnost osnovnog i srednjeg obrazovanja za teritorij ZDK-a. Za navedene nagrade Vlada Kantona izdvojila je 32.545 KM. Na istoj sjednici Vlada ZDK je odobrila 9.962,50 KM za podršku naučnoistraživačkoj djelatnosti i to za: učešća na međunarodnim kongresima, organizaciji međunarodnih kongresa i izдавanju udžbenika za studente na univerzitetima u kantonu.

OBUKA VOZAČA I POLAGANJE VOZAČKIH ISPITA

U prostorijama MUP-a ZDK, ministar Nikola Arsenić i policijski komesar Semir Šut, održali su sastanak sa ministrom za obrazovanje, nauku, kulturu i sport ZDK-a Mensurom Sinanovićem i pomoćnikom ministra Rasimom Kovačem. U prvom dijelu sastanka je razgovarano o unapređenju saradnje u oblasti kontrole i zakonitosti obuke vozača i polaganja vozačkih ispita, dok je u nastavku razgovarano o sigurnosti škola i učenika u školskim sredinama na području Kantona. Također, razgovarano je o aktivnostima i pojačanima akcijama u saobraćaju Uprave policije MUP-a ZDK, koje su poduzimane u proteklom periodu na kontroli poštivanja obaveza vozača prema pješacima, prvenstveno u kontekstu mjera koje su poduzimane sa početkom školske godine u svim gradovima i na ulicama u blizini škola na području Kantona.



EU FOR YOU - E4U

Šef Delegacije Evropske unije u Bosni i Hercegovini i specijalni predstavnik EU, ambasador Lars-Gunnar Wigemark i ambasadorica Njemačke u BiH, Christiane Hohmann, razgovarali su nedavno sa studentima Ekonomskog i Pravnog fakulteta Univerziteta u Zenici. Radi se Info danima u okviru EU projekta za studente iz BiH simboličnog naziva "EU for You - E4U" koji je pokrenuo Ured specijalnog predstavnika EU u BiH (EUSR), a kojim angažuje studente iz cijele zemlje u promociji pitanja od značaja za proces EU integracija. Projekat počinje sa Info danima na osam javnih univerziteta u BiH čime se ujedno i pokreće kampanja projekta pod nazivom „Upalimo svjetlo za mladost BiH“.

- Radi se o trećem u nizu dešavanja

koje EU organizira sa studentima u BiH, sa studentima sa svih javnih univerziteta u zemlji. Ovo je prilika da čujemo iz prve ruke od studenata kakva su njihova viđenja i stavovi vezano za situaciju u zemlji, kako vide EU, ali i kako vide budućnost, kazao je Lars-Gunnar Wigemark dodavši da misli da se glas studenata u ovoj zemlji ne čuje dovoljno te da žele saznati šta oni misle i kako vide budućnost u BiH. - U okviru aktivnosti stvorit će se timovi studenata koji će potom odabratи teme koje oni smatraju važnim. Ti timovi će učestvovati na jednom takmičenju gdje svi dobijaju nagrade, a glavna nagrada je sedmodnevno putovanje u Brisel gdje će studenti iz prve ruke saznati nešto više o EU", istakao je Wigemark.

PREDSJEDAVAJUĆI KANTONALNIH SKUPŠTINA IZ FBIH U ZENICI

U Zenici je na inicijativu predsjedavajućeg Skupštine Zeničko-dobojskog kantona Jasmina Duvnjaka održan prvi zajednički radno-konsultativni sastanak predsjedavajućih/predsjedatelja svih deset kantonalnih skupština u Federaciji BiH. Prisustvo predsjednika svih kantona potvrđuje opravdanost inicijative i dodatno ohrabruje daljnju institucionalnu saradnju. Na sastanku se razgovaralo o unapređenju komunikacije i jačanja sistematične međusobne saradnje svih kantona, te potrebi boljeg i kvalitetnijeg zajedničkog nastupa prema višim nivoima vlasti, smatrajući da jači i jedinstveniji nastup prema Federaciji BiH treba biti naročito kada je riječ o propisima koje donosi Federacija BiH, a koji se direktno reflektiraju na



sve kantone, poput raspodjele javnih prihoda, zapošljavanja i razvoja, borbe protiv korupcije, zdravstva, sigurnosti, te sva pitanja od značaja za ulogu i poziciju kantona u procesu europskih integracija naše zemlje. Naredni sastanak predsjedavajućih/predsjedatelja planiran je u sjedištu Posavskog kantona u Orašju.



BOLNICA ZA PLUĆNE BOLESTI I TBC U NOVOM RUHU

U Bolnici za plućne bolesti i tuberkulozu u Travniku u završnoj fazi je nekoliko projekata: od povećanja energetske efikasnosti do obnove pojedinih odjela i skorog otvaranja Onkološkog i Odjela za palijativnu njegu. U proteklom periodu dijagnostička oprema je značajno obnovljena, a nekada zapušteni prostori danas izgledaju sasvim drugačije. Ova zdravstvena ustanova primjer je kako se za kratko vrijeme mogu dostići visoki standardi. - Mi smo prešli pola puta i planiramo nastaviti ove projekte. Cilj je da svi objekti u sklopu bolnice budu energetski

učinkoviti, te da ponudimo nove usluge pacijentima, prije svega iz naše pulmološke djelatnosti, onkološki odjel je u drugoj fazi, a imamo tri korakao koja moramo preći. Odjel palijativne njegе je nešto što ovom kantonu treba. To je goruci problem jer sve je više pacijenata koji su u terminalnoj fazi karcinoma, a to su i hronični pacijenti kojim se ne može pomoći. Uz sve ovo planiramo napraviti i okupacionu terapiju i dnevnu bolnicu za bol gdje bi dobijali terapiju protiv bolova i drugu simptomatsku terapiju, kazao nam je dr. Emir Abdulović, direktor Bolnice za plućne bolesti i TBC.

-U realizaciji ovih projekata Bolnica za plućne bolesti i TBC imala je podršku Vlade SBK i resornog Ministarstva zdravstva i socijalne politike. Ovo je impresivan rad uprave, zaposlenih i saradnika ako se sjetimo kako je ova Bolnica izgledala prije četiri godine. Ovo je sad nova bolnica sa novim izgledom. Mislim da su uradili jedan važan posao u građevinskom dijelu, ali i u opremanju dijagnostici. Značajna sredstva su uložena, ali ovo je i primjer domaćinskog ponašanja gdje urađeno jako mnogo. Dosta je urađeno u oblasti dijagnostike i projekta otvaranja Onkologije koji je u drugoj fazi realizacije i slijedi treća i završna faza, kazao je premijer SBK, Tahir Lendo. Vlada SBK je ranije izdvojila sredstva za nabavku savremenog digitalnog RTG aparata.



PREVENT GRUPA I HASTOR FONDACIJA NAJAVILI NOVA ZAPOŠLJAVANJA U SBK



Predstavnici Prevent Grupacije iz Sarajeva i Fondacije Hastor najavili su otvaranje novih radnih mesta u Srednjobosanskom kantonu, u općinama Travnik i Bugojno tokom sastanka sa premijerom Srednjobosanskog kantona, Tahicom Lendom i načelnikom općine Travnik, Admirem Hadžiemrićem. - Predstavnici Preventa su nas informisali o planovima za proširenje proizvodnje u Travniku i Bugojnu, ali i o saradnji oko iznalaženja i animiranja ljudi za nova zapošljavanja, izjavio je

načelnik Općine Travnik, Admir Hadžiemrić. - Trenutno u Preventu u Travniku radi blizu 400 uposlenika, a plan je da se ovaj broj značajno poveća. Ova grupacija u Bugojnu ima više od 300 zaposlenih. - Naš plan u Srednjobosanskom kantonu je da se širimo za 300 posto. U Travniku imamo namjeru da u naredna tri do četiri mjeseca obučimo 150 ljudi, od kojih ćemo sigurno 120 imati potrebu da zaposlimo. Želim naglasiti da će obuka biti plaćena, a uslovi rada adekvatni i primjereni toj industriji.

U Travniku ćemo se popeti na blizu 500 novih zaposlenika. Govorimo o osobama sa srednjom stručnom spremom ili NK radnicima gdje smo mi spremni da provedemo kompletну obuku, izjavio je novinarima Seid Fijuljanin, direktor Fondacije Hastor. Prevent grupacija u BiH ima 7.000 zaposlenih, a u svijetu oko 15.000 zaposlenih. Kao poseban dio aktivnosti proisteklih iz rada Prevent grupacije i njihovog angažmana u pružanju pomoći lokalnim zajednicama i građanima predstavljen i rad Fondacije Hastor koja u ovoj ovoj školskoj godini stipendira više od 410 učenika i studenata sa područja Srednjobosanskog kantona.



OSNOVANA KOALICIJA UDRUŽENJA OSOBA SA INVALIDITETOM

U Zenici je održana osnivačka Skupština Koalicije organizacija osoba sa invaliditetom Zeničko-dobojskog kantona. Tokom sjednice izabrano je rukovodstvo koalicije, te usvojeni dokumenti neophodni za rad. Novoizabrani predsjednik Selvedin Dedić kazao je da cilj ovakvog udruživanja donošenje zajedničkih stavova prema svim pitanjima koja se tiču problematike osoba sa invaliditetom. Do sada se u praksi pokazalo kao izuzetno negativno kad smo rascjepkani u više udruženja. Na ovaj način ćemo biti jedna cjelina i naši predstavnici će zastupati sve osobe sa invaliditetom, kazao je Dedić. Problemi sa kojima se susreću osobe sa invaliditetom najviše se ogledaju u nedodošenju adekvatnih Zakonskih rješenja, te određenih bariera kada je ova kategorija stanovništva u pitanju.

SREDNJOŠKOLCI NA PRAKSI U AMZ



U prostorijama kompanije ArcelorMittal Zenica održano je uvodno predavanje za 30 srednjoškolaca koji će do kraja ove školske godine u pogonima kompanije obavljati svoj praktični dio nastave. Rezultat je to nedavno potpisani sporazum između ArcelorMittala Zenica i zeničkih srednjih škola za tehnička zanimanja, koji omogućava učenicima da osim teorijskog znanja koje stižu u školi, dobiju i neophodna praktična iskustva i vještine. Na taj način nastavni proces bit će značajno unaprijeđen, a učenici će po završetku srednje škole biti mnogo spremniji za radna mesta. - Ova je grupa mladih ljudi, koji dolaze iz Mješovite srednje industrijske škole i Srednje mješovite škole Mladost iz Zenice, dobila prvu poduku iz oblasti zaštite na radu kako bi bili spremni za ulazak u pogone, kazala je Dijana Božić-Srdanović, portparol zeničkog ArcelorMittala.

MOŠĆANICA I REPOVAČKI POTOK KAO ZASEBAN RUDNIK

Elektroprivreda BiH pokrenula je niz aktivnosti, među kojima i potvrđivanje rezervi uglja u Federaciji BiH, koje treba koordinirati sa federalnim Ministarstvom energije, rудarstva i industrije i Zavodom za geologiju FBiH. Osim uglja koji treba obezbijediti za energetski sistem, odnosno za termoelektrane Kakanj i Tuzla, treba razmišljati i o industriji u FBiH, gdje su potrebe za ugljem iskazali, između ostalih, ArcelorMittal Zenica, Natron Hayat Maglaj i Sisecam Soda Tuzla. - Trenutno Natron Maglaj snabdijevamo sa ugljem u količini oko 15.000 tona mjesечно. Imali smo sastanke sa upravom Natrona gdje su oni iskazali spremnost dalje investirati u fabriku, što bi dovelo do otvaranja novih radnih mesta kada bi se njima obezbijedila isporuka uglja u količini od 200.000 tona na godišnjem nivou, kazao nam je Neval Ikanović, izvršni direktor za proizvodnju JP EPBiH. On je objasnio da na teritoriji općine Bugojno postoji nalazište uglja na lokalitetu Kotezi, gdje su prema procjenama isplativo rezerve uglja za površinsku eksploataciju u količini od 130 miliona tona. U toku su aktivnosti na istražnom bušenju koje rade u okviru RU Gračanica. Na području



općina Zenica i Kakanj, prema riječima Ikanovića, dva su lokaliteta značajna za nove proizvodne objekte i to Mošćanica i Repovački potok. Trenutno se za Mošćanicu radi studija tehnico-ekonomiske opravdanosti eksploracije uglja, a radi se i na pribavljanju urbanističke saglasnosti, rješavanju imovinskopravnih odnosa... Za lokalitet Repovački potok urađena je studija tehnico-ekonomiske opravdanosti i elaborat o rezervama koji treba još samo revidirati, nakon čega će se raditi glavni rudarski projekat za eksploraciju uglja. Ovdje, prema njegovim riječima, struka treba dati odgovor da li ove lokalitete koncipirati uz rudnike Zenica i Kakanj ili možda formirati novo privredno društvo koje ne bi bilo opterećeno dugovanjima te na taj način pristupiti eksploraciji ovih lokaliteta.

PREDSTAVNICI ŠVICARSKOG CARITASA POSJETILI KASUMOVIĆA



Predstavnici švicarskog Caritasa posjetili su gradonačelnika Zenice Fuada Kasumovića. Povod za ovu radnu posjetu je predstavljanje novog projekta podrške povrtnoj proizvodnji čija se implementacija očekuje u skorije vrijeme. U projektat će biti uključeno više jedinica lokalne samouprave a cilj projekta je podrška razvoju plasteničke proizvodnje. Nakon odabira općina koje će učestvovati u projektu bit će raspisan Javni poziv za predaju zahtjeva za dodjelu platenika sa dodatnom opremom. U sklopu projektnih aktivnosti bit će održane i edukacije o plasteničkoj proizvodnji korisnika platenika. Senada Sejmenović,

viša stručna saradnica za poljoprivredu je istakla da je u gradu Zenica veliki broj zainteresovanih za plasteničku proizvodnju. Naglasila je da je i preporuka Federalnog zavoda za agropedologiju kada je u pitanju monitoring zemljišta u gradu Zenica da se u mjestima koja gravitiraju prema gradu proizvodnja usmjeri na plastenički model. Gradonačelnik Kasumović upoznao je goste da je u budžetu Grada Zenica za 2017. godinu izdvojeno 3,2 miliona KM za poticaje za poljoprivredu. Ovom prilikom je iskazao spremnost da Grad Zenica učestvuje u projektu i pomogne svojim sugrađanima.

*Sretan Božić
i uspješna Nova 2018. godina!*



GRAD ZENICA



FUAD KASUMOVIĆ
GRADONAČELNIK

rtz

ZENIČKI NOVOGODIŠNJI SPEKTAKL

CENTRALNI DOČEK NOVE 2018. GODINE

Novi Miligran grani!

MILEGRAM

ZENICA
TRG ALIJE IZETBEGOVIĆA
NEDJELJA, 31.12.2017. GODINE
SVI STE POZVANI!

This poster promotes the "Central New Year's Reception" in Zenica. It features two men in dark, futuristic-looking jackets standing against a backdrop of glowing red and orange circles. The text "CENTRALNI DOČEK NOVE 2018. GODINE" is prominently displayed. Below the main image, the word "MILEGRAM" is written in large, stylized letters. Logos for RTZ and telemach are included. The overall theme is festive and celebratory.

POSJETA DELEGACIJE PRIVREDNIKA IZ TURSKE



U dvodnevnoj posjeti općini Zavidovići boravili su privrednici iz Republike Turske, koje je predvodi Hilmi Özpaçacı, te Samir Vildić, direktor Bigmeva BiH, fondacije osnovane s ciljem razvoja ekonomskih, kulturnoških i naučnih odnosa između Bosne i Hercegovine i Republike Turske. Hilmi dolazi iz Kayseri, najrazvijenije pokrajine u Republici Turskoj. Predmet njihovog interesovanja je mogućnost realizacije, odnosno pokretanja projekata u oblasti poljoprivrede i to: proizvodnja i prerada mlijeka, proizvodnja i prerada mesa (konkretno mogućnost formiranja farmi i otvaranja mlijekare) i eksploatacija voda. Prilikom ove posjete obišli su područje općine, a početkom proljeća naredne godine očekuje se nova posjeta privredne delegacije iz turske pokrajine Kayseri kada bi trebalo doći do konkretnijih dogovora i zaključivanja određenih dokumenata.

OTVORENE PROSTORIJE MZ ARNAUTI



Nakon Perinog Hanu, predstavnici Grada Zenica i UNDP-a svečano su otvorili i novoizgradene prostorije mjesne zajednice Arnauti. U ovaj objekat je uloženo oko 25.000 maraka, prije svega u izgradnju, a onda i u opremanje namještajem, te opremom koja podrazumijeva tablet, računar, printer i projektor. Sredstva su obezbjedili Vlade Švicarske i Švedske, te Grad Zenica. Predsjednik mjesne zajednice Arnauti Husnija Huseinspahić

je nakon otvaranja kazao da se radi o najboljim prostorijama u Gradu Zenica. – Sada imamo izuzetne uslove za rad i trebamo raditi kako smo radili i sada. U narednoj godini pokušat ćemo završiti još neke projekte iz oblasti komunalne infrastrukture, zaključio je Huseinspahić. Projekat jačanja uloge mjesnih zajednica realizovan je u Arnautima, Gradištu, Nemili, Perinom Hanu, Ričicama i Sejmenu.

UGOVOR SA CENTROM ZA DJECU I ODRASLE OSOBE S POSEBNIM POTREBAMA ZDK

Općinskog načelnika Vareša je posjetila Meldina Ugarak direktorica Centra za djecu i odrasle osobe s posebnim potrebama Zeničko-dobojskog kantona. Svrha posjete je bilo potpisivanje ugovora o sufinsaniranju rada centra kojeg koriste i osobe sa posebnim potrebama sa područja Općine Vareš. Ugovorom je obuhvaćeno finansiranje dijela troškova rada centra za 2016., 2017. i 2018. godinu, obzirom da su usluge pružane od 2016. Godine, a fakture nikada nisu plaćane. Dnevni centar za djecu i odrasle osobe s posebnim potrebama Visoko poslovna je jedinica Javne ustanove "Centar za djecu i odrasle osobe s posebnim potrebama Zeničko-dobojskog kantona". Centar pruža usluge djeci, mladim i odraslim osobama s




posebnim potrebama s područja općina Visoko, Kakanj, Breza i Vareš. Centar je smješten u Dobrinju (općina Visoko) i raspolaze ukupnom površinom od 4.350 m². Površina samog Centra je 1.087 m². Od središta Visokog Centar je udaljen 10 km, isto toliko i od Kaknja, 19,6 km od Breze, 40,8 km od Vareša i 64,3 km od Olova.

**SRETAN BOŽIĆ
I SRETNA
NOVA GODINA!**

**JP "PARKING SERVIS"
d.o.o. Zenica**

Zacarina 23, 72000 Zenica
Tel/fax: +387 32 406 527
jpparkingservis@gmail.com



info@kristal.eu
www.kristal.eu
T +387 30 717 733
F +387 30 713 111
Poslovni centar 96
72250 Vitez BiH

kristal®
Vaš svijet stakla



*Zelimo Vam čestit Božić
i sretnu Novu godinu.*



PROMOCIJA POLAZNIKA OBUKE MUP-a ZDK I TK-a

Svečanoj promociji polaznika programa obuke mentora i policijskih službenika na probnom radu koja je održana u Zenici, prisustvovao je zamjenik Šefa misije Ambasade Sjedinjenih američkih država Paul Horowitz. Ovim programom obuhvaćeno je 100 novouposlenih policijskih službenika i 40 obučenih mentora iz Zeničko-dobojskog kantona, te po 20 mlađih inspektora i mentora iz Tuzlanskog kantona.

- Želimo da ovi službenici budu što profesionalniji i da im inetgritet bude što jači da budu spremni oduprijeti se korupciji i na taj će najbolje služiti svojoj zajerdnici što nam je i cilj, kazao je policijski komesar Uprave policije MUP-a Zeničko-dobojskog kantona Semir Šut. Nakon ove svečanosti u shopping centru je provedena kampanja pod nazivom Stop korupciji, a koja je relizovana u okviru Međunarodnog dana borbe protiv korupcije.

KAMPANJA „STOP KORUPCIJI“

Uprava Policije MUP-a ZDK sprovedla je u shopping centru akciju pod nazivom „Stop korupciji“. Ova kampanja je realizovana u saradnji sa Ambasadom Sjedinjenih Američkih Država, ICITAP-om i INL-om (Ured za međunarodnu borbu protiv narkotika i provedbu zakona). Po riječima Semira Šuta Policijskog komesara Uprave policije MUP-a ZDK želja im je bila pokazati opredjeljenost u borbi protiv korupcije.

- Ovo se odnosi prijen svega na vlasite redove, a zatim i akcijama koje sprovodimo pokušavamo potaći građane da prijavljuju korupciju, kazao je Šut. Podršku ovoj kampanji dalo je i Tužilaštvo Zeničko-dobojskog kantona. Portparol Mirna Poljac



je kazala da su svojim prisustvom željeli dati podršku spomenutoj kampanji. Cilj nam je bio upoznati građane sa nadležnostima Tužilaštva i policije, te na koji način mogu prijaviti krivična djela, kazala je Poljac i dodala da je u maju formiran poseban odsjek za korupciju koji broji sedam članova i koji su fokusirani na procesuiranje koruptivnih krivičnih djela. U ovu kampanju bili su uključeni učenici osnovnih i srednjih škola.

OPĆINSKI ŠTAB CIVILNE ZAŠTITE U PROCESU SUMIRANJA ŠTETA

Općinski štab Civilne zaštite bio je na terenu, obilazili su mjesne zajednice i zabilježili prouzrokovane velike štete na stambenim objektima zbog snažnog vjetra. U procesu je sumiranje šteta.

Predstavnici Općinskog štaba ističu da su velike posljedice ostavljene na krovovima stambenih porodičnih objekata, stablima, elektroinstalacijama i plastenicima. Prema njihovim riječima, najviše je pogodena MZ

Kopice, posebno njeni povиšeni dijelovi, a druga po štetama je Mladoševica.



DJEČIJI FILM FESTIVAL



U Multiplexu Ekran Zenica svečano je završen devetnaesti po redu Festival filma djece i omladine. Program Festivala podijeljen je u dva dana, a prvog dana publika je imala priliku pogledati sve nominovane filmove, te prisustvovati svečanoj projekciji filma bh. režisera Damira Pirića „Najgori na svijetu“, nakon kojeg se zenička publika mogla družiti sa predstavnicom producenta Anamarijom Divković i režiserom Damirom Pirićem. Drugi dan festivala je bio usmjeren na okrugli sto „Dječiji i omladinski film – između potreba i mogućnosti“ na kojem su nastavnici tehničke kulture imali priliku diskutovati na navedenu temu. Drugi dio dana je i onaj koji su svi željno iščekivali, a to je proglašenje nagrađenih po kategorijama. Od ukupno 74 prijavljena filma, nominovan je 21. Grand Prix Festivala pripao je filmu Kulin Ban, autora Eldara Voljevice iz Elektrotehničke škole za energetiku iz Sarajeva.

OTVORENE PROSTORIJE MZ PERIN HAN

U sklopu projekta „Jačanje uloge mjesnih zajednica“, danas su predstavnici Grada Zenica i UNDP-a predali na korištenje građanima renovirane prostorije mjesne zajednice Perin Han. U obnovu ovog objekta Vlade Švedske i Švicarske su posredstvom UNDP-a donirale 17.000 KM, te kompletan inventar i opremu, dok je Grad Zenica uložio 5.100 KM. Na ovaj način stvoreni su bolji uslovi za rad Savjeta mjesne zajednice. – Građani sada neće morati ići do Gradske uprave i javnih preduzeća kako bi podnosili zahtjeve za ostvarivanje svojih prava. Sada će to preko mjesne zajednice ići puno lakše, kazao je predsjednik mjesne zajednice Perih Han Alija Begović.

SLATKI PAKETIĆI



Članovi udruženja "Budimo prijatelj" iz Zenice, koje okuplja osobe sa poteškoćama u razvoju, obilježili su prigodnim druženjem Međunarodni dan osoba sa invaliditetom. - Imali smo goste. Irnesa Ramić - Tahić, predsjednica udruženja "Daruj srcem" darovala je slatke paketiće našim korisnicima. Imali smo profesionalnog kuhara Anesa Begagića, član Udrženja kuhara Bosne i Hercegovine, koji je taj dan aranžirao hranu za korisnike i goste. Odvojio je svoje slobodno vrijeme da se posveti našim korisnicima, kazala nam je Nejra Šahinbegović, predsjednica udruženja "Budimo prijatelj". Ona je istakla da nisu zadovoljni uslovima u kojima rade. Njihove prostorije nalaze se u neuslovnoj zgradbi nekadašnjeg obdaništa Kanarinac u zeničkom naselju Crkvice. - Ljeti još i nekako možemo boraviti. Zimi teško. Grijemo se jednom kvarcnom grijalicom. Veće pomoći od Grada Zenice i Zeničko-dobojskog kantona baš i nemamo. Obilježili smo nedavno četiri godine postojanja, a za ovo vrijeme smo jednom dobili pomoć Grada, 2015. od 1.000 KM. Ako uspijemo proći na nekom projektu od Grada i Kantona, vrijednost je od 1.000 do 1.500 KM. Time ne možemo platiti režije, a imamo potrebu i za hranom jer kuhamo svakodnevno našim korisnicima, naglasila je Nejra Šahinbegović.

DONACIJA DOM-PORODICI



Firma Teximp SA iz Švicarske, koja ima poslovnici u Zenici, uručila je donaciju Javnoj ustanovi Dom-porodica. Radi se o namještaju, sedam ugaonih garnitura, 60 radnih i isto toliko trpezarijskih stolica, 15 trpezarijskih stolova, po 60 ormarića i radnih stolova za djecu, vrijednosti oko 12.000 eura. - Smatrali smo da je u ovom momentu prioritetno da se zamjeni namještaj koji više nije bio funkcionalan. Svi štićenici sada imaju nov namještaj, rekla je Draženka Subašić, direktorka JU Dom-porodica. Franjo Šestak iz Teximp SA, koji je uručio donaciju, pojasnio je da se ova firma bavi mašinama i tehnologijama vezanim uz kompjuterske, numeričke,



radne stolove. Dodao je da su etablirana firma posljednjih 35 godina, da su njeni čelični ljudi porijeklom iz Zenice, pa su predložili da se domu za nezbrinutu djecu osigura donacija. - Naša firma će zainteresovane dake štićenike Doma besplatno školovati u našem školskom centru zajedno sa Srednjom tehničkom školom, kazao je Šestak.

JAVNA SPIROMETRIJA



Institut za zdravlje i sigurnost hrane Zenica, s ciljem podizanja svijesti i znanja o bolesti hronične opstruktivne bolesti pluća, organizovao je nedavno u Shopping centru Džananović u Zenici, javnu spirometriju. Svim prisutnima je bio dostupan zdravstveno promotivni materijal uz davanje savjeta shodno spirometrijskom nalazu. Hronična opstruktivna plućna bolest (HOPB) je progresivna bolest pluća, karakterizirana smanje-

njem protoka zraka kroz dišne puteve, a obuhvata dijagnoze hroničnog bronhitisa i emfizema. Ova bolest je značajan javo-zdravstveni problem u svijetu, jer je broj oboljelih i umrlih u porastu. Četvrti je vodeći uzrok smrti u svijetu nakon kardiovaskularnih, cerebrovaskularnih bolesti te akutnih respiratornih infekcija. Procjenjuje se kako u svijetu od HOPB-a boluje približno 64 miliona osoba, te oko tri miliona ljudi umire.



SANIRANO KLIZIŠTE ORLOVIK

Radovi na sanaciji klizišta Orlovik završeni su u sklopu UNDP-vog projekta "Inicijativa za smanjenja rizika od katastrofa". Federalno ministarstvo prostornog uređenja i Općina Žepče izdvojili su sredstva u iznosu od 41.399 KM za sanaciju klizišta, a UNDP je vršio stručni nadzor i upravljao projektom. Događaju u Žepcu prisustvovali su Josip Martić, ministar Federalnog ministarstva prostornog uređenja sa saradnicima, Mato Zovko, načelnik Općine Žepče i pomoćnica načelnika Službe za

graditeljstvo i prostorno uređenje Brigita Lovrić, Sukhrob Khoshmukhamedov, zamjenik rezidentne predstavnice Razvojnog programa Ujedinjenih nacija (UNDP) sa suradnicima. Ministar Martić je naglasio da je ovaj projekt jedan u nizu koje je Ministarstvo uspješno realiziralo s UNDP-jem. „Do sada je Vlada F BiH putem Ministarstva za sanaciju šteta nastalih od klizišta i poplava izdvojila 4,5 miliona, bilo samostalno, bilo udruživanjem sredstava, naglasio je Martić.

EDUKATIVNO PREDAVANJE U MALOJ SALI OPĆINE BREZA

U organizaciji Udruženja za afirmaciju žene u BiH i općine Breza, edukativno predavanje na temu „Prepoznavanje simptoma oboljenja štitne žlijezde“, u maloj sali općine Breza održala je doktorica Nejra Latić-Kermo, šefica Odjeljenja nuklearne medicine Kantonalne bolnice Zenica. - U području štitne žlijezde može doći do stvaranja benignih i malignih čvorova. Zbog povećanog stvaranja hormona štitnjače, dolazi do pojačanog rada štitne žlijezde – hipertireoze. Stanje je karakterizirano ubrzanim metabolizmom, gubljenjem na težini, ubrzanim radom srca, opadanjem kose, ponekad znojenjem, tremorom, pojačanim nemiriom. Ne liječe li se bolesnici, može se razviti, za



život ugrožavajuće stanje, tireotoksična kriza, rekla je između ostalog doktorica Latić-Kermo. Amela Imamović-Arifović, predsjednica Udruženja „Za afirmaciju žene u BiH“, za podršku u organizaciji predavanja zahvalnicu je uručila Munibu Zaimoviću, načelniku općine Breza.

UGOVORI ZA UZGOJ FEFERONA



U Omladinskom centru Kakanj upriličeno je potpisivanje ugovora između kakanjskih poljoprivrednih proizvođača koji su se do sada prijavili na projekat i njemačke firme

Carl Kuehne, poslovna jedinica Mostar, koja je u proteklom periodu u Kaknju predstavila svoju poslovnu ponudu u kojoj nudi svakom kooperantu sa kojim bi potpisala ugovor siguran otkup ploda zelenog feferona, te neophodni sadni i ostali repromaterijal, a čiju vrijednost bi proizvođači vratili kroz otkupljeni plod. Ugovore je potpisalo 30 poljoprivrednih proizvođača. Ukupna površina na kojoj će se u Kaknju uzgajati zeleni feferon iznosi 50 dunuma.

STIPENDIRANJE STUDENATA



Na prijedlog Općinskog načelnika Suada Huskića, Općinsko vijeće Tešanj donijelo je Odluku o izdvajanju 350.000 KM za stipendiranje studenata za novu akademsku 2017/2018 godinu. Naša podrška stipendiranju studenata je prepoznatljiva, te ćemo i u novoj akademskoj godini biti na visini očekivanja. Javni poziv slijedi uskoro. Ove godine uvodimo neke novine za koje smatramo da su korisne kako za studente, tako i za lokalnu zajednicu. Deficitarna zanimanja će imati veće stipendije, a od iduće godine, zanimanja, odnosno profesije za koje imamo veliki broj nezaposlenih osoba neće biti stipendirana u prvoj godini studija. Nažalost, odsustvo jasne politike u visokom obrazovanju u pogledu broja i vrste fakulteta dovodi nas do toga da mladi biraju fakultete nakon čijeg završeka ne mogu naći posao u struci. Zbog toga ćemo mi podržavati ono što stvarno treba tržištu, a ne službama za zapošljavanje, kazao je općinski načelnik Huskić.

POSJETA OBDANIŠTU „UMIHANA ČUVIDINA“



Načelnik općine Breza Munib Zaimović i njegov savjetnik za pravne poslove Mirza Džambić posjetili su zaposlene i mališane Javne ustanove za predškolsko obrazovanje i vaspitanje „Umihana Čividina“. U svom kratkom osvrtu djelatnicama Obdaništa načelnik Zaimović čestitao je na kreiranju pozitivnih promjena, te naglasio važnost i odgovornost uloge odgoja djece. Također, istakao je vrijednost kvalitetne saradnje čitavog kolektiva kako bi djeca odrastala u što zdravijoj i poticajnijoj okolini, u čemu će, kako je naglasio, rukovodstvo ove ustanove imati veliku podršku općine Breza.

UKIDAJU SE INTERVJUI ZA PRIJEM U ŠKOLE?

UZeničko-dobojskom kantonu je aktuelizirana mogućnost ukidanja intervjua prilikom zapošljavanja prosvjetnih radnika. Radi se o inicijativi Sindikata osnovnog obrazovanja i odgoja i Sindikata srednjeg i visokog obrazovanja, odgoja, nauke i kulture, a Skupština ZDK-a na posljednjoj sjednici prihvatile je inicijativu zastupnika Adela Sinanovića (SBB) i podržala ovu ideju. - Intervju je bio još jedini modalitet uticaja ljudskog faktora na prijem radnika i mogućnost koruptivnog djelovanja komisije za intervjuje. Imajući u vidu da je ZDK lider u transparentnosti zapošljavanja i da je žalosno da to ne možemo primijeniti kod ostalih javnih preduzeća i ustanova, prema odlukama kantonalnog povjereništva donesenim prije šest mjeseci donijeli smo odluku o inicijativi za ukidanja intervjua, kazao je Selvedin Šatorović, predsjednik Sindikata osnovnog obrazovanja i odgoja ZDK-a.

Dodao je kako postoje određeni otpori pojedinih direktora škola, koji žele na neki način ostaviti mogućnost uticaja na to ko će dobiti posao. Imajući u vidu da škole nemaju račune i nemaju mogućnost nekih drugih malverzacija, veli, ostaje im još samo da manipulišu tokom prijema kandidata.

- Žalosno je da isti ti direktori potenciraju raspisivanje konkursa za rad na određeno vrijeme i to na duži

period od deset i više godina, što nije nimalo dobro. Ukoliko su zaista prijatelji prosvjetnih radnika, onda školski odbori zajedno sa direktorima trebaju za ta radna mjesta raspisati prijem na neodređeno radno vrijeme.



Imali smo više od 800 pozicija raspisanih tokom ljetnih konkursa. Mislim da je barem polovina od tih pozicija mogla biti raspisana na neodređeno vrijeme, istakao je Šatorović.



Selvedin Šatorović, nedavno je na Kongresu u Sarajevu izabran za novog-starog predsjednika Sindikata osnovnog obrazovanja i odgoja Federacije BiH te će obnašati ovu funkciju i u narednom četverogodišnjem mandatu. - Održan je veličanstven kongres. Imali smo više od 30 inostranih delegacija. Pokazali smo apsolutno jedinstvo i opredjeljenje za jačanje ekonomsko-socijalnog i materijalnog položaja prosvjetnih radnika. Na svim kantonima gdje djeluje ovaj sindikat smo ili dogоворили ili je u fazi pregovora povećanje plata. Već je završena priča u Tuzlanskom kantonu gdje se povećava plata za 6,5 posto, završeni su pregovori oko uskladišvanju Kolektivnog ugovora na području Unsko-sanskog kantona. Slična situacija je u Posavskom i Hercegovačko-neretvanskom kantonu i naravno, ovih dana očekujemo završetak pregovora i sa vladama Sarajevskog i Zeničko-dobojskog kantona. Možemo reći da će prosvjetni radnici, sasvim sigurno, u 2018. godini biti nešto zadovoljniji i da ćemo kroz ove pregovore poboljšati njihove plate i njihova ukupna primanja, kazao je Šatorović. On je dodao da će budno pratiti zakone koji se donose na nivou Federacije, posebno Zakon o porezu na dohodak i Zakon o doprinosima, i shodno tim zakonima pokušati napraviti dogovore sa socijalnim partnerima na nivou kantona da ne dođe do bitnih poremećaja po pitanju ukupnih primanja prosvjetnih radnika.

OVE GODINE URADILI SMO MNOGO ZNAČAJNIH PROJEKATA!

Godina koja je na izmaku u Općini Travnik obilježena je brojnim infrastrukturnim projektima koji su realizovani zahvaljujući budžetskim sredstvima, sredstvima sa viših nivoa vlasti i fondova, ali i zahvaljujući činjenici da su neki projekti preneseni u ovu godinu, kaže nam na početku razgovora Admir Hadžiemrić, načelnik općine Travnik. Fokus je bio na rekonstrukciji i izgradnji putnih komunikacija.

-Radili smo na proširenju lokalnog puta Turbe – Karaula. Cilj nam je da ljudima iz Karaule omogućimo bolju komunikaciju prema magistralnom putu M-5 kada idu na posao. Uložena su značajna sredstva u sanaciju i proširenje ovog puta. Ove godine započeli smo sa izgradnjom putne komunikacije Mehurić – Dub – Ljuta greda. To je putna komunikacija koja će iziskivati značajna sredstva, ali je veoma važna. Važno je zbog razvoja stočarstva, zbog komunikacije od kuća do katuna, za transport gotovih proizvoda, sira i mesa. To je prostor sa kojeg dolazi 60 posto proizvodnje travničkog sira. Veoma značajan je i početak rekonstrukcije puta Malta – Ciglana koji vodi prema poslovnoj zoni i brojnim poslovnim subjektima. Tu je uloženo 130.000 KM u prvu fazu. Očekujem da ćemo ove godine završiti prvi sloj, a naredne ćemo iznaći sredstva za nastavak. Put će biti širok 5,5 metara sa jednim trotoarom, kaže načelnik Hadžiemrić.

Sa Fondom za zaštitu okoliša realizovana su tri projekta. Jedan je sanacija kanalizacione mreže u Aleji u Turbetu, koji bi uskoro trebao biti završen. Izmjenjena je stara rasvjeta uz magistralni put od ulaza u Turbu, pa sve do Nove Bile. Skinuta je stara rasvjeta, a postavljena nova LED rasvjeta.



Admir Hadžiemrić
načelnik Općine Travnik

- Na pojedinim dionicama magistralnog puta kroz naselja uopće nije bilo rasvjete, kao što je to u Docu na Lašvi i tu smo postavili novu rasvjetu. U sklopu istog projekta urađena i rasvjeta u Aleji konzula u samom gradu između dva kružna toka. U Aleji konzula urađena je i prva faza biciklističke staze i ivičnjaci za parking. To je bio jedan zapanjujući i neuređen prostor i sada je dobio novi izgled. Mi smo aplikirali za sredstva koja će značiti nastavak projekta i produžetak aleje i biciklističke staze, najavljuje Admir Hadžiemrić.

VODOSNABDJEVANJE GRADA

Uvezano je izvorešte Bašbunar za rezervoarom Kupilo. Zamjenjene su cijevi i smanjeni gubitci i na taj način je smanjeno povlačenje vode iz izvorišta Plava voda. To je rezultiralo uštedama jer su smanjeni troškovi električne energije za pumpe. Mjesečne fakture za pumpe iznosile su 35.000 KM, a sada su 20.000 KM. Novu 2018. godinu obilježit će početak realizacije projekta Regionalnog vodovoda Plava voda. Projekat star tri decenije vraćen je u život kada su Travnik i Zenica vratili koncesiju od austrijske firme „Alpina BH“. - To su uradili tadašnji zenički gradonačelnik, rahmetli Husein Smajlović i tadašnji načelnik općine Travnik, Tahir Lendo. Tada je osnovano preduzeće Regionalni vodovod Plava voda. Došli smo u fazu kada je potpisana ugovor sa Evropskom bankom za obnovu i razvoj (EBRD) i isto to očekujemo početkom naredne godine od Banke Vijeća Evrope (CEB). Ja očekujem da bi krajem iduće godine mogla početi realizacija i polaganje cijevi, kaže Hadžiemrić.

**Sretan Božić i
uspješna Nova
2018.godina !**

Admir Hadžiemrić
načelnik Općine Travnik

JAVNI POZIV

Za evidentiranje djece polaznika Programa obaveznog predškolskog odgoja i obrazovanja (POPOiO) za djecu u godini pred polazak u školu

Shodno preporuci Ministarstva za obrazovanja, nauku kulturu i sport Zeničko-dobojskog kantona, **Prva osnovna Montessori škola iz Zenice** poziva roditelje djece koja će 1. Marta napuniti 5 godine i 6 mjeseci, da u periodu od 18.12. 2017 godine – 29.12. 2017. godine evidentiraju djecu, koju namjeravaju upisati u prvi razred Privatne osnovne Montessori škole u školskoj 2017/2018. godini. Učenici koji će pohađati privatnu osnovnu Montessori školu mogu biti i sa drugih gravitacionih područja stanovanja, kako je to predviđeno Zakonom o osnovnoj školi, i stekći besplatno

tromjesečno pohađanje Programa obaveznog predškolskog odgoja i obrazovanja (POPOiO). Također je besplatan i ljekarski pregled će se obaviti u period od 08.01. 2018. - 26.01. 2018. godine, te roditelje molimo da insistiraju na dobivanju uvjerenja koji je namijenjen za upis djeteta u predškolsku ustanovu. Djeca, koja su u ovoj školskoj godini, u periodu septembar-januar, pohađala neku predškolsku ustanovu u kojoj se realizira

Cjeloviti razvojni program (CRP), neće biti obuhvaćena Programom obaveznog predškolskog odgoja i obrazovanja.

„Prva osnovna Montessori škola“ ima odgovarajuće prostorne i kadrovske uvjete te omogućava upis u školu djetetu mlađem od utvrđene starosne dobi za početak obaveznog odgoja i obrazovanja, ako to traže roditelji/staratelji djeteta i ako škola, nakon što razmotri preporuke relevantnih stručnjaka, bude sigurna da je to u najboljem interesu djeteta, pod uvjetom da do kraja kalendarske godine navršava šest godina života. Prilikom evidencije, nije potrebno prisustvo djece, niti prilaganje dokumentacije. O upisu djece i dostavi dokumentacije u Programa obaveznog predškolskog odgoja i obrazovanja (POPOiO), roditelji će biti informirani putem sredstava informisanja, web stranice, FB i oglasne ploče Prve osnovne Montessori škole.

Dobro nam došli i sretno budući daci prvaci ;)

Vaša Prva osnovna Montessori škola



Srećan Božić
i
Nova 2018.
godina!

"SIGMA-SK" d.o.o. Zenica

Kočevska čikma br.6, 72000 Zenica

Bosna i Hercegovina

Tel.: 061/176-259; 063/333-095

*Sretan Božić i uspješna
Nova 2018. godina*



Zenicatrans prevoz putnika

web: www.zenicatrans.ba; e-mail: zenicatrans@bih.net.ba

Asim Mekić, načelnik Općine Busovača

POSTIGLI SMO STABILNOSTI I GOTOV RIJEŠILI BUDŽETSKI DEFICIT!

Općina Busovača godinama se borila sa problemom budžetskog deficit-a. Administracija na čijem čelu je načelnik Asim Mekić, uspjela je ovaj problemi riješiti gotovo u cijelosti.

- Postigli smo stabilnost i to smatram najznačajnijim. Kada sam došao na čelo Općine zatekao sam veliki deficit i mi smo uspjeli taj deficit dovesti skoro do nule! Naš glavni cilj je bio da građanima omogućimo bolji život kroz izgradnju infrastrukturnih objekata i to radimo u okvirima naših mogućnosti i apliciramo za sredstva sa viših nivoa vlasti. Želimo osigurati i više radnih mjesti i mislim da i u tome uspjevamo. U zadnje dvije godine zaposleno je 350 ljudi. Ovdje se radi o novozaposlenim osobama i ne računaju se oni koji su došli na radna mjeseta umjesto radnika koji su otišli u penziju. Nema-mo velike pogone u Busovači, ali su postojeći povećali obim proizvodnje, a imamo i novih pogona, ističe načelnik Mekić.

Otvoreni su pogoni za šivenje i bit će uskoro i prošireni. Investitori će i ubuduće imati pomoći i podršku lokalne zajednice. Općina Busovača aplicira na projekte u Kantonu i Federaciji. Pored toga učestvuje i u projektu Regionalnog vodovoda Plava voda. Ovaj projekat ima poseban značaj za Busovaču jer se građani snabdjevaju pitkom vodom sa više malih izvora koji ne zadovoljavaju potrebe.



Projekat Plava voda

- Dok mi razgovaramo danas u Busovači imamo situaciju da je voda u sistemu mutna. Mi pijemo vodu iz potoka koju prečišćavamo. Mi smo jedina općina koja nema izvorište, nego prečišćavamo vodu iz potoka. Plava voda za nas znači mnogo jer ćemo imati finu, pitku i kvalitetnu vodu u sistemu. Ta investicija će nas koštati, ali koliko nas sada košta prečišćavanje vode i obezbjeđenje vodovoda? Ja očekujem i smanjenje troškova. Plava voda za nas znači mnogo jer mi sada imamo više izvořišta i kapacitet najvećeg je 6 litara u sekundi, a mi će uzimati 40 litara u sekundi što su naše potrebe. To je za nas nešto dobro i mi tu investiciju

možemo vraćati, navodi načelnik Asim Mekić.

Značaj ovog projekat za Busovaču ogleda se i u grant sredstvima od milion maraka koje će dobit od čega će 200 hiljada maraka biti izdvojeno za infrastrukturu javnog komunalnog preduzeća. Preostalih 800 hiljada maraka bit će uloženo u sistem i rekonstrukciju cjevovoda.

Načelnik Asim Mekić naglašava kako su prioriteti u Novoj 2018. godini zapošljavanje i dalje poboljšanje infrastrukture.

BUSOVAČA

Općina Busovača ima 17.910 stanovnika, a obuhvata 157,5 km² prostora na kojem je smješteno ukupno 47 naseljenih mjesta. Općinski budžet iznosi 4 miliona konvertibilnih maraka. Općinsko vijeće Busovača broji 25 vijećnika od kojih su 11 iz SDA, 10 iz HDZ BiH, dva iz DF-a i jedan iz HDZ 1990.





NISKE TEMPERATURE PREDSTAVLJAJU VELIKI RIZIK ZA ZDRAVLJE

Izrazito niske temperature predstavljaju veliki rizik za zdravlje mnogih ljudi, a naročito za osjetljive skupine, kao što su starije osobe, djeca, trudnice te hronični bolesnici (srčani bolesnici, plućni bolesnici, bubrežni bolesnici, dijabetičari, osobe sa visokim pritiskom).

Naime, niske temperature dovode do sužavanja krvnih sudova, a sa sužavanjem krvnih sudova dolazi do skoka krvnoga pritiska. Uslijed porasta krvnoga pritiska već kompromitirani krvni sudovi kod hroničnih bolesnika mogu dovesti do neželjenih posljedica, a to su moždani ili srčani udar. Kod hroničnih plućnih bolesnika dolazi, uslijed sužavanja krvnih sudova, do pogoršanja njihove osnovne bolesti, kao što su astma te hronična opstruktivna plućna bolest.

Izloženost niskim, negativnim temperaturama, bilo u unutrašnjem ili vanjskom prostoru, može različito djelovati na zdravlje, od blagih simptoma do ozbiljnih ili po život opasnih zdravstvenih stanja. Stoga je potrebno znati kakve rizike nam hladnoća donosi i za to se pravovremeno pripremiti.

Preporučuje se izbjegavanje ili ograničavanje izlazaka, naročito u ranim jutarnjim i noćnim satima. Poželjno je da odjeća

bude lagana, ne previše pritegnuta uz tijelo, od kvalitetnog sintetičkog materijala koji je vodootoran i brzo se suši (izbjegavati pamuk i vunu koji upijaju znoj i zadržavaju vlažnost što stvara osjećaj hladnoće). Prilikom izlaska preporučuje se zaštiti glavu, ruke i prekriti usta šalom da bi se sprječilo direktno udisanje hladnog zraka. Maloj djeci i bebama je naročito važno utopliti šake i stopala i zaštiti glavu kapom. Izbjegavati dugo stajanje i sjedenje (naročito prekrivenih nogu), cipele s visokom ili preniskom potpeticom. U organizam treba unositi dovoljnu količinu tečnosti (najmanje dva litra tople bezalkoholne tečnosti). Zabranjeno je konzumiranje alkoholnih pića jer alkohol smanjuje podnošenje hladnoće, uzrokuje periferno proširenje krvnih sudova što dovodi veću količinu krvi na periferiju te dolazi do brzog pothlađivanja krvi i cijelog организma.

Izbjegavati teži fizički rad na otvorenom, sve aktivnosti koje mogu uzrokovati umaranje te ubrzano disanje na vanjskim niskim temperaturama. Ako je prilikom fizičkih aktivnosti došlo do povećanog znojenja i vlaženja odjeće, potrebno ju je presvući u toploj prostoriji i osloboediti se viška odjevnih predmeta.

U slučaju poledice, povećana je mogućnost ozljeđivanja, odnosno padova i lomova.

Ako je uslijed izlaganja hladnoći, koža prstiju šake ili stopala blijeda uz pojavu trnjenja i gubitka osjeta, a pri utopljenu crvena, potrebno je potražiti pomoć ljekara.

Ukoliko su nastale smrzotine, a nije moguće odmah dobiti ljekarsku pomoć, ne smiju se koristiti direktni izvori toplote poput grijalica ili radijatora, za njihovo zagrijavanje, jer direktna toplota može uzrokovati oštećenje tkiva.

Pri niskim temperaturama pomoć ljekara potrebno je potražiti i u slučaju pojave nesvjestice, gubitka ravnoteže, mučnine i povraćanja, kao i u slučaju jake glavobolje. Ukoliko se za zagrijavanje stanova i kuća koristi čvrsto gorivo ili plin, voditi računa o redovnom ventiliranju prostorija.

Elma dr Kuduzović

Viši stručni saradnik za socijalnu medicinu
Institut za zdravlje i sigurnost hrane Zenica

Predmet osiguranja [na novu vrijednost]

	BASIC	TREND	PRESTIGE
Gradevinski dio objekta	1.500,00 KM/m ²	1.500,00 KM/m ²	1.500,00 KM/m ²
Stvari kucanstva	200,00 KM/m ²	300,00 KM/m ²	350,00 KM/m ²
Odgovornost prema trećima	x		
Boje na zidu i gradevinskoj stolariji, podne, zidne i stropne obloge	35,00 KM/m ²	70,00 KM/m ²	100,00 KM/m ²
Stakla na vratima i prozorima stana	1.000,00 KM	2.000,00 KM	3.000,00 KM
Golov novac, nakit, umjetnički predmeti, zbirke, vrijednosni papiri i ostalo stvaran posebne vrijednosti	1.000,00 KM	3.000,00 KM	5.000,00 KM
Stvari kucanstva u ostalim prostorijama stana [lavam, podrum...]	5% od s.o.	8% od s.o.	10% od s.o.
Štete na gradevinskim djelovima stana uslijed izvršene ili pokušane krađe	3.000,00 KM	3.000,00 KM	3.000,00 KM

**"ISKORISTITE AKCIJU"**


Ugovorite policu osiguranja stana ili kuće
uz 10% popusta.

- putem portala
www.bsosavjetnik.ba
- putem call centra na besplatni
telefon **0800 200 50**
- na svim BSO prodajnim mjestima uz
predočenje ovoga kupona.



Obračun premije [godišnja premija]

<i>Basic</i>	od 1,90 KM/m ²
	[pokriva 15 rizika]
<i>Trend</i>	od 2,90 KM/m ²
	[pokriva 22 rizika]
<i>Prestige</i>	od 4,90 KM/m ²
	[pokriva 31 rizika]

1,90 KM/m² 2,90 KM/m² 4,90 KM/m²

Premijerno prikazan dokumentarac "Hallo - Trefio se pametan!"

Nesvakidašnja priča o prijateljstvu čovjeka i psa

U okviru manifestacije "Dani šejha Abdulvehaba Ilhamije Žepčaka" u Centru za kulturu Općine Travnik premijerno je prikazan dokumentarni film "Hallo – Trefio se pametan". Priču o Džemalu Fuški radniku JKP "Bašbunar" i njegovom pratiocu psu Hallo koji ga ujutro dočekuje kada dolazi na posao i prati tokom cijelog dana na poslu u dokumentarac su pretočili Orhan Ganibegović i Taik Ganić.

- Počeli smo snimati u aprilu i maju. Ovo je vrlo zanimljiva tema jer u hodu, u toku snimanja, se otvaraju neke druge teme. Sklopili smo dokumentarni film i zadovoljni smo. Krenuli smo snimati čista srce bez namjere da nešto zaradimo pa nam je bilo lakše, ističe Orhan Ganibegović, jedan od autora dokumentarca.

Plan je da ovaj dokumentarac bude predstavljen i na festivalima.

- Na ideju smo došli spontano jer Džemala i njegovog psa srećemo svakodnevno. Tu toplu ljudsku priču zabilježili smo kroz jedan dokumentarni film. Ovaj grad je uvek imao takve priče, a ima i ljudi koji su to spremni da zabilježe, kaže nam je Taik Ganić, jedan od autora.

Premijeri je prisustvao Džemal Fuško, ali i



njegov vjerni pratilac pas Hallo koji ga svaki dan čeka prilikom dolaska na posao bio je u holu.

- Prijateljestvo sa cukom Hallo traje već sedam-osam godina i drago mi je što u snimili dokumentarni film o tome, priča nakon premijere Džemal Fuško.

Puna sala Centra za kulturu i gromki aplauz na kraju najbolje svjedoče da su Orhan i



Taik uspjeli u svom naumu da naprave jednu lijepu priču o nesvakidašnjem prijateljstvu čovjeka i psa.

IT stručnjak koji želi da radi u svojoj domovini



Kakanjac Alem Zekić, IT stručnjak je koji ima ponude iz zemalja Evropske unije za posao i lagodniji život. Ali, umjesto toga on se odlučio da ostane živjeti i raditi u svojoj domovini Bosni i Hercegovini. Ovaj magistar elektrotehnike sa Elektrotehničkog fakulteta Univerziteta u Sarajevu kroz

projekat "Pokreni svoj posao u Kakanju" dobio je općinska novčana podsticajna sredstva, pokrenuo IT biznis pod nazivom Synergy Soft, i već sa prvim softverskim rješenjima oduševio korisnike i javnost. - Svakodnevno ljudi iz IT svijeta, kojem i sam pripadam, meta su agenata na mlade

stručnjake u BiH. Ovog trenutka sve što radim mogu prekinuti i birati ponude koje stižu iz Švedske, Njemačke, Švicarske, čak iz susjedstva Srbije i Hrvatske, ali ja sam tu. Ne idem nigdje, jer kada razvijate IT start-up onda je to vremenski nešto duži period. Čak i do pet godina, a ja sam još uvijek u prvoj polovini tog perioda. Nema uspjeha preko noći, kazao nam je Alem Zekić. On je pojasnio da je eParlament informacioni sistem koji integralno podržava sve procese vezane za sjednice vijeća, odnosno skupština. To su procesi pripreme, održavanja i analize sjednice. U BiH je primjenjiv na oko 150 lokacija, uključujući općine, gradove, kantone, entitete i naravno skupštine na državnom nivou. eDnevnik je sistem primarno namijenjen za upotrebu u osnovnom i srednjem obrazovanju, pri čemu pristup sistemu imaju nastavnici, uposlenici škole, roditelji i uposlenici nadležnih ministarstava. Potencijalni broj korisnika odgovara broju osnovnih i srednjih škola u državi. Na tržištu postoje neke varijante ovih sistema, međutim ovi sistemi razvijeni u Synergy Softu su sveobuhvatniji, jednostavniji za upravljanje i u odnosu na kvalitet i efekte prihvatljiviji i jeftiniji.

PREDSTAVE BNP-a U BERNU

Predstava zeničkog Bosanskog narodnog pozorišta "Mi smo oni na koje su nas roditelji upozoravali" u režiji Mirjane Karanović izvedena je četiri puta u Schlachthaus Theatru u švicarskom gradu Bernu, u okviru velike manifestacije koja je za cilj imala promociju recentne umjetničke produkcije zemalja zapadnog Balkana. Predstava u kojoj uloge tumače Mirjana Karanović i Enes Salković, nastala prema dramskom tekstu mlade banjalučke autorice Tanje Šljivar u režiji same Mirjane Karanović, izazvala je veliki interes švicarske stručne i šire javnosti. Za sve četiri odigrane izvedbe u Bernu ulaznice su rasprodane u rekordnom roku još tokom oktobra, a ekipa Bosanskog narodnog pozorišta Zenica je za sva četiri izvođenja dobila pozitivne kritike, izuzetno dobre reakcije publike i dugotrajne aplauze. Specifičnost ovih izvođenja je, između ostalog, prevođenje uživo. Naime, tokom izvedbe predstave švicarski glumci su prevodili uživo i interpretirali na njemačkom jeziku. Švicarski producenti i umjetnici pokazali su veliko interesovanje za nastavak saradnje i za moguću realizaciju novih gostovanja i festivalskih učešća. Predstava je ostvarila značajan i zapažen uspjeh na međunarodnim gostovanjima i festivalima na kojima je do sada osvojila devet nagrada, i to na 61. Sterijinom pozorju u Novom Sadu, 15. festivalu bh. drame, 11. JoakimInterFestu, Festivalu internacionalnog alternativnog teatra u Podgorici, kao i na Festivalu Zaplet 08 u Banjoj Luci.



ČETVRTI CABARET WINTER FEST

Četvrti zimski festival "CABARET WINTER FEST" počeo je 15. decembra izložbom zeničkih slikara, izložbom slika osoba sa posebnim potrebama i koncertom "Sjećanja na lik, djelo i muzičko stvaralaštvo Johna Lennona, legendarne zeničke grupe "The Taxi Band". Festival je nekomercijalnog tipa, kulturno-umjetničkog sadržaja i održava se na tri lokacije 15 dana u Zenici. Organizator festivala je Cabaret Club čiji su vlasnici braća Ivan i Andrija Petrović.

CABARET WINTER FEST predstavlja jedini zimski festival u gradu Zenici te kao takav ima za cilj oživjeti zimsku čaroliju i građanima ponuditi zanimljiv sadržaj u hladnim zimskim danima. Ideja o pokretanju festivala javila se 2013. godine, kada je prvi put i organizovan, ali pod nazivom "Snježna kraljica – Zenica 2013". Cilj festivala je bio da ponudi mnoštvo kulturno-zabavnog sadržaja za sve, a krajnji cilj je očuvanje kulturne baštine, kao i razne aktivnosti usmjerene na pomoći osobama sa invaliditetom, posebnim potrebama, kao i rad sa djecom i odraslima za zaštitu mentalnog zdravlja. Godine 2015. je održan drugi zimski festival, a 2016. godine i treći. Treći festival imao je rekordnih 145 učesnika



iz svih branši kulture, gdje su pored ostalih programa odradili baletno-muzički performans "Hiljade pahulja bijelih".

- CABARET WINTER FEST se etablirao kao prepoznatljiv kulturno-zabavni događaj u našem gradu koji iz godine u godinu raste i po broju sadržaja ali i po kvaliteti. Ne privlači samo zvijezde poput dive Jelene Tomašević čiji će koncert biti održan

17.1.2018. u sklopu festivala na Velikoj sceni Bosanskog narodnog pozorišta Zenica, nego i podrške onih kojima je potrebna i materijalna i duhovna pomoć, kazao je Andrija Petrović, marketing manager Festivala. Ivan Petrović, direktor Festivala, je naglasio da i ove godine kao i prethodnih, u okviru CABARET WINTER FESTA, građani Zenice mogu uživati u

odličnom sadržaju i brojnim iznenadenjima.

- Ovo je jedini zimski festival u okviru kojeg našim sugrađanima nudimo mnoštvo kulturno-zabavnog sadržaja, radionica za djecu i omladinu, podržavamo brojna udruženja, ali i samostalne umjetnike. Program uključuje i projekte sa djecom sa poteškoćama u razvoju, a oni su neizostavan dio naše zimske priče, istakao je Ivan Petrović.

PROMOCIJA "PERA ŽIVODRAGA ŽIVKOVIĆA"

Međunarodni književni festival "Pero Živodraga Živkovića", koji se tri posljednje godine održava u Zenici, predstavljen je u Narodnoj biblioteci "Vuk Karadžić" u Kragujevcu. Emira Sokolovića, osnivača "Pera Živodraga Živkovića", u Kragujevcu je ugostio Mirko Demić, direktor Narodne biblioteke. Sokolović je govorio o tome kako je Pero raslo od regionalnog do internacionalnog festivala, koji je ove godine uvršten u Sezonu

italijanske kulture u BiH. Podsjetio je i na to ko su dosadašnji laureati: Tode Ilievski (Makedonija), Paolo Maria Rocco (Italija) i Goran Simić (BiH). Publici se obratio i pisac Života Marković, koji je govorio o druženju sa Živodragom Živkovićem, ali i o njegovom književnom i pedagoškom djelu. Mirko Demić je govorio o izdanju Kragujevačkog čitališta iz decembra 2002. godine, koje je bilo posvećeno Živodragu Živkoviću.

ZENIČANI S BENDOM MILIGRAM ULAZE U 2018.



Povodom Zeničkog novogodišnjeg spektakla - Centralnog dočeka Nove 2018. godine, u Press sali Gradske arene "Husejin Smajlović" održana je nedavno konferencija za novinare na kojoj su se prisutnima obratili Aleksandar Milić Mili i Alen Ademović, članovi benda Miligram, Fuad Kasumović, gradonačelnik Zenice te Nandino Škrbić, direktor JP RTV Zenica koji je tehnički organizator dočeka najluđe noći u Zenici na otvorenom i Edin Sinanović, glavni urednik Radio Zenice. Takođe su na presicu bili ispred Gradske uprave Sumea Mujkanović, pomoćnica gradonačelnika za boračko-invalidsku i socijalnu zaštitu, stambene poslove i društvene djelatnosti i Armin Mujkić, konsultant za odnose sa javnošću gradonačelnika Zenice. - U ime Miligrama, u ime svih nas, mogu reći da se zaista mnogo radujemo što ćemo 2018. godinu dočekati zajedno, baš ovdje u Zenici za koju nas vežu fantastične uspomene. Taj koncert koji smo imali u Areni prije nekoliko godina je jedan od onih dana koje nikako u životu ne možete zaboraviti. Svirali smo tada više od dva sata bez prestanka, energija nije padala. To je nešto čega se rado sjećamo. Mi ćemo dati sve od sebe da u Novogodišnjoj noći na trgu budemo još bolji, kazao je Aleksandar Milić - Mili zahvalivši se gradonačelniku Kasumoviću "što nam je dao tu mogućnost da sviramo na trgu u Zenici za Novu godinu ali i kompletnoj organizaciji koja je na visokom nivou". On je najavio dvije nove pjesme: "Pogrešna noć" i "Amanet", koje promovišu, a koje će premijerno biti u Bosni izvedene na dočeku Novogodišnje noći u Zenici. Alen Ademović je objasnio da članovi benda ne treniraju za koncerте, za ovakve spektakle, da je to "čista energija kod nas".

- Nove dvije pjesme su stvarno dobre. Uvjerićete se na koncertu", poručio je Ademović. Gradonačelnik Fuad Kasumović poželio je da "u Novu 2018. godinu uđemo svi razdragani". Rekao je da je Zenica regionalni centar i da je Grad i sve gradske institucije spremne.

- Bend Miligram je jedan od najtraženijih u regionu. Istina je da je u Zenici jedno vrijeme bilo zatišje proslava Nove godine. Kao nezavisni gradonačelnik sam obećao građanima evropsku Zenicu i u tom smislu svake godine idemo dalje. U Sarajevu je na dočeku Nove godine Čola (Zdravko Čolić; op.a) a u Zenici je Miligram. Najavljen je dolazak ljudi iz Slovenije i Hrvatske na koncert Miligrama.

decembra. Smjenjivaće se kulturno-umjetnička društva, članovi Dječije, omladinske i lutkarske scene Bosanskog narodnog pozorišta Zenica i djeca iz vrtića, iz Javne ustanove za predškolski odgoj i obrazovanje. Biće to lijep spektar zeničkih plesnih grupa, predstavljanje zeničkih institucija, objasnio je Nandino Škrbić. Direktor RTV Zenice je dodao da po prvi put će na jednom nastupu u gradu zahvaljujući aranžmanu sa jednom osiguravajućom kućom iz Banja Luke biti osiguran kompletan inventar poslovnih prostora na Trgu "Alije Izetbegovića" gdje će biti održana proslava najluđe noći na otvorenom. Grupa Miligram je 8. novembra 2014. godine imala veliki koncert u zeničkoj Areni gdje su nastupili pred 10.000 ljudi. Veći dio zarade s tog koncerta donirali su porodicama stradalih rudara u tragediji u jami Raspotoče Rudnika mrkog uglja Zenica koja je bila dva mjeseca ranije kao i tada teško oboljelom Zeničaninu Filipu Blaževiću koji, nažalost, više nije sa nama. Saradivali su sa velikim zvijezdama među kojima su svakako Severina, Željko Joksimović i Mladen Vojnić Tifa. Prema riječima organizatora očekuje se da će na dočeku Nove godine u srcu grada biti 20-tak hiljada posjetilaca, Zeničana i ljudi iz okolnih gradova kao i susjednih zemalja, a da će Zenicu uvrstiti među najtraženije turističke destinacije u našoj zemlji tokom novogodišnjih praznika.



Nadam se da će nam biti ugodno i da ćemo ući zajedno sretni, zdravi i veseli u 2018. godinu, istakao je Kasumović. Prvi čovjek Zenice je ustvrdio da CD-ove koje je dobio na poklon od Milija u Beogradu prilikom dogovora oko nastupa grupe u najluđoj noći u Zenici, stalno sluša automobilu. Rekao je da je njegov vozač samo pušta Miligram kad god idu na teren odnosno putuju negdje. - Planirano je da program traje punih 12 sati. Počće u podne 31.

- Ove želje nisu neutemeljene jer ćemo imati šta ponuditi. Pripremamo poseban cijelodnevni program koji će uveličati zvijezde večeri, jedan od najslušanijih i najboljih bendova u regiji, grupe Miligram. Posebnu zahvalnost dugujemo Gradskoj upravi koja je u nama prepoznala partnera da organizaciju dočeka Nove godine na otvorenom preuzmimo na sebe. Mi ćemo se potruditi da to povjerenje i opravdamo, kazao je Edin Sinanović.

KO SMO MI I ČIME SE BAVIMO?



“Ko smo mi i čime se bavimo?”, naziv je predstave rađene u koprodukciji Dječije, omladinske i lutkarske scene Bosanskog narodnog pozorišta Zenica i Crvenog križa Zavidovići koja je imala nedavno svoju zeničku premijeru, u okviru 3. internacionalnog festivala edukativnog teatra (IFET), kao i u Zavidovićima u Centru za kulturu. Radi se o četvrtoj premijeri u novoj sezoni BNP-a. Ranije je predstava imala sarajevsku premijeru. O predstavi su govorili na preslici Hazim Begagić, direktor BNP-a Zenica, Mensur Sinanović, ministar za obrazovanje, nauku, kulturu i sport Zeničko-dobojskog kantona, Nijaz Mačak, autor teksta i sekretar Crvenog križa općine Zavidovići, Munira Serdarević-Šestić, univerzitetska profesorica, Adem Smailhodžić, glumac, Imran Džidić, polaznik DOL scene i Merima Handanović, stručni saradnik za informisanje zeničkog pozorišta. Predstava je radena po tekstu Nijaza Mačka, adaptaciju je uradio Miroljub Mijatović, koji potpisuje režiju. Asistent reditelja je Ermina Nišić-Kurevija, za scenografiju i kostime je zadužen Mensur Begčević, a muziku i songove su radili Elvir Škiljo i Abidin Čolaković. U predstavi glumi 17 polaznika: Sven Zrnić, Uma Nizamić, Mak Nizamić, Nikolina Rosić, Adna Jašarević, Harun Milak, Lorena Palavra, Lejla Golub, Imran Džidić, Sajra Nemeljaković, Amina Salihović, Evhad Sivac, Arman Šatorović, Zaim Ibrahimović, Ajna Kadrić, Sara Subašić i Lea Zečević.



PROMOVIRANA KNJIGA „UNUTARNJA ZEMLJA“ IVANA LOVRENOVIĆA

U Travniku je promovirana knjiga „Unutarnja zemlja“, Ivana Lovrenovića. Riječ je o kratkom pregledu kulturne povijesti Bosne i Hercegovine. Peto izdanje ove knjige izšlo je u izdanju GS Tvornice mašina Travnik i izdavačke kuće Synopsis Sarajevo – Zagreb. Tisak i uvez djelo su GS Print-a iz Travnika. U knjizi „Unutarnja zemlja“ prikazan je sadržaj kulturne povijesti Bosne i Hercegovine u višemilenijskom kontinuitetu od prahistorijskih vremena do danas. Taj prikaz praćen je uvijek ocrtavanjem osnovnih okvira političke i događajne historije u pojedinim razdobljima. Knjiga je opremljena opširnom kronotaksom – pregledom najvažnijih datuma i događaja. Ovo je peto izdanje knjige, dopunjeno i

inovirano novim sadržajima. Predhodno, knjiga je prevodena i objavljivana na engleskom, njemačkom, mađarskom i češkom jeziku. Na promociji knjige, koja je upriličena u sali za prezentacije GS TMT, govorili su Snježana Koprurer, direktorka GS TMT i autor knjige Ivan Lovrenović. - Kulturna povijest BiH nije nešto što je nastalo juče, nego se može rastegnuti na period od 12.000 godina. Najstariji kulturni artefakt u BiH je crtež iz pećine Badanj kod Stoca, naglasio je Lovrenović. Domaćin ove zanimljive promocije bila je Snježana Koprurer, direktorka Tvornice GS TMT u Travniku, koja je istaknula da se kroz ovu knjigu može bolje razumjeti ono što se danas dešava u BiH.

ZAVRŠEN PROCES AKREDITIRANJA ZAVODA ZA BOLESTI OVISNOSTI



U periodu od 18.12. do 20.12.2017. godine, u dvodnevnoj posjeti Zavodu za bolesti ovisnosti boravili su ovlašteni vanjski ocjenjivači AKAZ-a, Salih Slijepčević i Jasmina Klebić. Tom prilikom su pregledana i ocjenjena 1463 kriterija u okviru 55 propisanih standarda. Sam proces izrade standarada i procedura u Zavodu trajao je nepune dvije godine. Koordinator ispred ustanove, u ukupnom procesu,

bio je dr. sci. Mirnes Telalović. Kompleksnost procesa izrade procedura zahtjevalo je uključenost svih članova Stručnog tima Zavoda. Dodjelom certifikata kvalitete od strane AKAZ-a, Zavod za bolesti ovisnosti postaće prva ustanova u BiH ovog tipa koja je ispunila i u svom radu primjenjuje usvojene procedure i standarde kvalitete u zdravstvu.



U galeriji AC Ovnak Vitez održana Božićna izložba



Uvremenu kada „vremena nema“, kada je čekanje „gubljenje vremena“ trenuci Božićne izložbe zaustavljaju vrijeme - poziv da barem na trenutak imamo vremena proširiti vidike gledanja na svijet i život. Radosti nije nedostajalo na izložbi slika koja je u četvrtak, 14.12., održana u galeriji na katu "AC Ovnak" u Vitezu. Uz veliki broj zvаницa i gostiju, izložbu je otvorio direktor poduzeća "Ovnak" i "cm", gđin Drago Kafadar, koji je izrazio zahvalnost prvenstveno svim umjetnicima-slikarima, čiji su trud i zalaganje vidljivi na svakom djelu.



Fra Marko Kepić, koji je dobriim dijelom i zaslužan za izložbu slika, u svom kratkom obraćanju prenio je zvanicama poruku duhovnosti i Božića te svoj osrvt na izložbu:

"Naša je česta konstatacija, kako je u ovom

svijetu sve komercijalizirano. Ta naša tvrdnja je uglavnom točna ali ovaj događaj u ovom prostoru ipak je do kraja ne potvrđuje. U prostoru u kojem bismo baš očekivali neku blagdansku akciju - mi smo ovde zbog nečeg drugog. Kao da nam sve ovo govori da je čovjek ipak tragalac za višim, za onim vječnim.



Prostor koji je ograđen bijelim zidom, u koji smo se zbili, kao da bismo htjeli zamisliti da nas on opet odvaja od svega ali ipak on nosi slike i sa druge strane i biva samo kulisa i tako mi ostajemo dio ovog svijeta i u tom svijetu tragaoci za vječnim.

Na zidu, unutra i izvana, su dijela različitih umjetnika, sudionika kolonije u Vitezu, koja nam pomaže da naš pogled duha plovi dalje, traga i nikad se ne miri sa prosječnošću.

Ova blagdanska izložba je obogaćena djelima umjetnika iz Čapljine – Ernesta Markote.

Koji nas kroz svoja djela vodi čitati početak Lukina evanđelja – pisca Isusova djetinjstva. Za Ernesta možemo reći da je mladi umjetnik velike stvaralačke energije i prodone intuicije koja mu omogućava gledanje i onoga što nije „pri vidi“, a što na različite načine određuje ljudsko djelovanje. To što nije „pri vidi“ učiniti vidljivim i dati mu oblik očite nazočnosti cilj je koji si je umjetnik postavio. Ove slike snažnog kolorita pomazu našem pogledu čitati ove događaje evanđelja na jedan živ, razigran i uzvišen način. Novina ovog događaja u Ernestovom izražaju je i mistično plavetnilo, koje je tako veličanstveno zaognulo događaje Utjelovljenja.

Želja ove izložbe je da priskoči u pomoć našem duhu, koji plovi u svakodnevničici, stalno traga i traži odgovor na mnoga pitanja -da u ljepoti kolorita čita događaje – u kojima Bog ulazi u naš svijet i živi odgovor.", istaknuo je fra Marko Kepić.



Svi koji žele posjetiti izložbu, mogu doći i pogledati istu svakim radnim danom od 8.00-16.00 h i subotom od 8.00-14.00 h do 6.siječnja 2018. godine.

Blagdanski koncert i izložba na Sveučilištu "Vitez" u Travniku



Univerzitet/Sveučilište „Vitez“ u Travniku upriličio je svečani blagdanski koncert učenika Srednje glazbene škole Jakova Gotovca iz Novog Travnika. Učenici ove muzičke

škole koji osvajaju brojne medalje i priznanja upriličili su ugodno polustano druženje.

Univerzitet/Sveučilište "Vitez" ovom prilikom uručilo je zahvalnice i priznanja studentima i organizacijama koje su se istakle u radu i saradnji sa ovom visokoškolskom ustanovom. Nakon u galerijskom prostoru Univerziteta/Sveučilišta „Vitez“ upriličeno je otvorene izložbe slika iz riznice HKD „Napredak“ Kiseljak. Ljubitelji likovne umjetnosti mogli su vidjeti slike: Mersada Berbera, Adalberta Opica, Ante Mamuše, Ante Martinovića, Fikreta



Ibričića, Iris Bondora Dvornik, Mehmeda Klepe, Vesne Lončarević, Zlatka Nežića i Zlatka Price. Ukupno je izdvojeno 25 djela autora iz Bosne i Hercegovine, Hrvatske i Srbije.

Sniženje

-15%



Ganik i.d.a.

Tel.: 030 714-261 | www.ganik.ba

Hrvatsko kazalište Travnik



Počeli smo u jesen 1993, iz čega i kako??? Može se zaključiti iz godine 1993.

U Novoj Biloj u najtežim ratnim vremenima, na vlastitu inicijativu, mladi ljudi-volonteri su i u tom tako teškom periodu našli vremena i za umjetnost, kazališni izričaj kao i nadu za bolja vremena. Općinsko poglavarstvo Travnik, 1995. godine utemeljuje Hrvatsko amatersko kazalište Travnik kao javnu ustanovu tako da je ovo i dan danas, pored HNK

u Mostaru, jedino Kazalište sa Hrvatskim predznakom u BiH. Hrvatsko kazalište Travnik je osnovano kao težnja mlađih da njeguju kazališnu kulturu i umjetnost. Misija Hrvatskog kazališta Travnik je oživljavanje, održavanje i upoznavanje govora, jezika i tradicije.

Vizija je razvoj i tolerancija multikulturološke svijesti u BiH. Glavni ciljevi i strategija rada je aktivna promidžba kulture BiH i njenog stanovništva kroz razne oblike scenskog stvaralaštva kroz dramu, komediju, tragediju, mjuzikle, lutkarske i dječje predstave kao i druge oblike umjetnosti, književnosti i likovne umjetnosti. Kazalište radi i djeluje 20 godina aktivno promičući kulturu bosanskohercegovačkog čovjeka u BiH i šire.

AKTIVNOSTI:

- MAŠKARIJADA:** Tradicionalna zabava u zgradama našeg Kazališta koja se održava već nekoliko godina za redom,
- USKRSNA FEŠTA:** Na prvi dan Uskrsa organiziramo zabavu Uskrsnu feštu uz zabavni program
- COUNTRY PARTY:** Večer kaoboja i indijanca koja se već tradicionalno održava u Kazalištu a počinje zadnjeg petka u srpnju. (glazba uživo, western filmovi, zabavni program ...)
- ANDRIĆEVI DANI:** Kulturna manifestacija koja traje mjesec dana (kazališne predstave iz BiH i inozemstva, pjevački zborovi, izložbe...)
- ADVENT:** Dočarali smo duh Adventa i Božića u našoj zgradi Kazališta, kroz božićne radionice, izložbe rukotvorina, vlakić za djecu, zabavni program, predstave, ukusna zimska jela i pića...

Hrvatsko kazalište Travnik je do sada imalo devetnaest premijera i oko pet stotina izvedbi po Bosni i Hercegovini, Hrvatskoj, Srbiji, Crnoj Gori, Švicarskoj, Njemačkoj i Austriji.

HUMANITARNI TURNIR SUDIJA I INSTRUKTORA



U Zenici je održan drugi humanitarni malonogometni turnir u organizaciji Udruženja sudija i instruktora Federacije Bosne i Hercegovine. Na turniru je učestvovalo deset ekipa sa oko 165 takmičara koji su tokom dvodnevног druženja prikupili i određena novčana sredstva koja je domaćin Udruženje sudija i instruktora Zeničko-dobojskog kantona uplatio u humanitarne svrhe. Prvo mjesto nakon dvodnevног takmičenja pripalo je ekipi Srednjobosanskog kantona koji su u finalu savladali Kanton Sarajevo nakon jedanaesteraca sa 4:3, regularni dio završen je 1:1. U utakmici za treće mjesto Zeničko-dobojski kanton je slavio protiv Tuzlanskog kantona sa 2:0.

CALP JESENJI PRVAK

Ekipa zeničkog Calpa slavila je u derbi susretu protiv Kaskade iz Gračanice sa 8:1. Bila je ovo pobjeda za titulu jesenjeg prvaka u Prvoj ligi Federacije grupa Sjever. Prvo poluvrijeme završeno sa 4:1 za Calp. Za konačnih 8:1 najzaslužniji je Admir Zukanić sa 6 golova, dok su po jedan postigli Šabanović i Hamzić. Prvi dio takmičenja Calp i Kaskada završili su sa istim brojem bodova, po 18 i omjerom 6:1 u pobedama. Zenički Calp ima bolju gol razliku i zaslужeno je prvi. U posljednjem kolu prvog dijela i drugi zenički ligaš Drugari-Čelik upisali su pobjedu. U gostima su bili bolji od Bosne Kompred iz Tuzle sa 3:2. Strijelci za Drugare bili su Bajramović, Šehić i Delić. Zeničkim Drugarima bila je ovo druga prvenstvena pobjeda u prvom dijelu lige.



SKUPŠTINA ČELIKA 26. DECEMBRA

Sukladno zahtjevu predsjednika Upravnog odbora NK Čelik Zenica Jasmina Memiševića, Nadzorni odbor pozvao je vanrednu Skupštinu kluba koja će se održati 26. decembra u 17 sati. Iz Nadzornog odbora NK Čelik su pozvali sve članove da prisustvuju sjednici, da prate obaveštenja na klupskim glasilima vezano za nju jer će naknadno biti objavljeni mjesto održavanja, dnevni red, način prijave i preuzimanja materijala, kao i ostale pojedinosti za održavanje Skupštine. Od 13. decembra je zvanično počela zimska prvenstvena pauza za nogometše Čelika. Okupljanje i početak priprema za proljetni dio sezone zakazani su za 10. januar.

- Upravni odbor, sa predsjednikom na čelu i svi zaposlenici NK Čelik u potpunosti podržavaju Skupštinu kluba i postojeći Statut, te će se u skladu sa tim i ponašati. Skupština kluba je legalna i Statut kluba je legalan. Ona je ta koja ima zadnju riječ i kao takva ima

ovlast aminovati ulazak investitora u klub ili ne. Potrebno nam je jedinstvo svih tijela kluba zajedno sa navijačima jer ovo su istorijski momenti, momenti bitni za opstanak kluba, navedeno je u saopštenju Upravnog odbora NK Čelik Zenica. Čelik se nakon 18 kola u BH Telecom Premijer ligi BiH nalazi na pretposljednjem, 11. mjestu sa deset bodova, tri više od posljednjeplasiranog Viteza. Na Bilinom polju ne gube nadu za opstanak u elitnom razredu bh. nogometu. Prema riječima predsjednika Memiševića, ulaskom investitora iz Turske u klub, ekipa će se osjetno pojačati za drugi dio sezone. Bilo bi angažovano između deset i 15 novih kvalitetnih igrača. Memišević veli da investitori žele jak Čelik, a ekipa bi se iduće godine sigurno borila za Evropu. S novcem koji bi ušao u klub, svakako bi se lakše disalo na Bilinom polju, a to bi donijelo olakšanje onima kojima su crna i crvena boja u srcu.

AMAR BORIĆ JOŠ JEDNOM ODLIČAN

Član plivačkog kluba Željezara Zenica Amar Borić nastavio je sa odličnim nastupima u ovoj sezoni. Na dva takmičenja u Sarajevu i Mostaru ponovo je bio sjajan. – Posljednja dva takmičenja nisu odraz moguće rade, ali su odraz moje volje i moguće trude jer sam u Mađarskoj doživio težu povredu oba koljena i zbog toga sam morao raditi teretanu i suho kako bih se poslije povrede vratio, kaže Borić.

- U Sarajevu je isplivao najbolje vrijeme na 50 metara i to mi je bio podstrek za dalji rad. Osvojio sam 40 medalja u ovoj sezoni što je čini jako uspješnom, naglasio je Borić.




Amar Borić trenira na bazenu u Sarajevu jer je u Zenici bazen još uvek zatvoren. Bilo je nekoliko pokušaja da se bazen otvari i počne sa radom, ali još uvek nema nikakvih konkretnih poteza.

GASTRO KUTAK

Brza pogača

Sastojci:

- 700 gr **Klas brašna**
- 1 jaje
- 1 šoljica ulja
- 3 dcl slatkog mlijeka
- 1 prašak za pecivo
- 1 kesica germe
- soli po želji



**Edina Bektaš,
Zenica**

Priprema:

- U brašno umiješati prašak za pecivo, so i jaje, te dodati ulje. U jednu posudu sasataviti mlako mlijeko i germu. Mutiti dok se germa ne otopi. Zamjesiti mekano tjesto. Oblikovati pogaču na radnoj površini. I podijeliti na četiri dijela, te svaki jufku isijeći na četiri trokutića. Redati sve u podmazan pleh (kao na slici), ostaviti petnaestak minuta da nadode na toplom.
- Peći na 220 °C oko 20 minuta, dok ne dobije lijepu boju. Pečenu pogaču prekriti salvetom, ostaviti malo da odstoji, pa je onda servirati.

Raspucani keksići

Sastojci:

- 100 gr čokolade za kuhanje
- 80 gr maslaca
- 100 gr šećera
- 2 jaja
- 100 gr **Klas brašna**
- 30 gr kakaa
- 1 žličica prašak za pecivo Docela
- 1 žličica mljevenog cimetra Podravka
- malo soli
- šećer u prahu za valjanje kuglica

Priprema:

U zagrijanom maslacu otopite čokoladu i ostavite da se malo ohladi. Jaja i šećer izmiješajte, dodajte brašno pomiješano s praškom za pecivo, soli, cimetom i kakaom. Zatim dodajte smjesu od čokolade i zamijesite tjesto. Neka tjesto odmara najmanje 1 sat u hladnjaku. Od tjesteta oblikujte kuglice i uvaljajte ih u šećer u prahu te ih posložite na lim za pečenje koji ste prekrili papirom za pečenje. Pecite u pećnicama zagrijanoj na 170 °C oko 15 minuta. Kada se ispeku bit će meki, a hlađenjem će postati tvrdi. Tada ih skinite s lima za pečenje i čuvajte u zatvorenoj posudi da opet postanu meki.



**Jasmina Čelebić,
Zenica**

**Šaljite nam vaše
recepte sa Klas
proizvodima.**

**Najsretnije očekuje
poklon paket Klas
proizvoda.**



Nekoliko savjeta za USPJEŠNO PRAVLJENJE KOLAČA

Uspješno pravljenje kolača ipak zahtijeva malo umijeća, a donosimo vam nekoliko savjeta koje ne bi trebali da ignorišete ako želite da vam se trud isplati.

Sastojke prije pripreme izvadite iz frižidera



Osim ako recept ne zahtijeva da neka namirnica bude dobro ohlađena ili određene temperature. Držite sve sastojke na sobnoj temperaturi – pogotovo maslac i jaja. Izvadite ih iz frižidera bar sat vremena prije nego počnete peći.

Kod pravljenja kolača izbjegavajte "odokativnu" metodu

Iako svi volimo one recepte u kojima se sastojci mjere na šolju ili kašiku, pri pravljenju kolača ovu metodu mjerjenja je najbolje izbjegavati. Većina kolača zahtijeva preciznost, zato koristite vagu, najbolje digitalnu, nisu skupe a dosta su pouzdane.

Umjesto ekstrakta koristite mahunu vanilije



Ekstrakti i sirupi su u redu, ali ništa ne može zamijeniti mahunu. Napravite svoj ekstrakt, najbolje ili vanilin šećer tako da u običan šećer dodate mahunu vanilije. Zato, ako ikako možete da je nabavite nemojte okljevati.

Ne iziviljavajte se mijesajući

Ako previše mijesite tijesto ili miješate smjesu za kolače može se razviti previše glutena što će vaše kolače učiniti žilavijima. Kada miješate smjesu za na primjer muffine, miješajte ju izvana prema unutra. Takođe, kada dodajete bjelanjke u smjesu, polako ih umiješajte. To će doprinijeti prozračnosti vaših kolača.

Strpljenje tokom pečenja rezultuje dobrom kolačem



Nemojte otvarati rernu kad vam se kolač već peče. Promjena temperature i dolazak hladnog vazduha mogu uticati na sruštanje biskvita. Takođe, hlađenje biskvita bi trebalo biti ekvivalentno vremenu pečenja.



**EUROPEAN quality
MATTRESSES**
Made in Bosnia & Herzegovina

Pozovite nas!
Tel: 032 241 777



**Madraci • Nadmadraci
Jastuci • Posteljine
Latofleksi • Kreveti**

Lakše je na rate! **12 rata** **3 rata** **6 rata**!
Prodaja putem **platne liste**
za uposlene
preko **PIO fonda**
ZA PENZIONERE



**mojSan
SHOP
Zenica**

**Shopping centar
DŽANANOVIĆ Zenica**
www.mojsan.ba
shopzenica@mojsan.ba

Radno vrijeme
PON-SUB 10-20h
NED: 11-17h

ZABLISAJTE u novogodišnjoj noći

Nova godina savršen je "izgovor" da se sredite, pa čak i pretjerano, isprobate neki novi look (i pritom pokažete svoju kreativnost) i zaogrnete se u šljokice od glave do pete. Bilo da se spremate na ludi cijelovečernji provod, svečanu večeru ili mirniji provod u društvu prijatelja – ove godine dotjerajte se "do daske"



12 SAVJETA I TRIKOVA za bolju hidrataciju kože

Prema koži treba postupati nježno i ne smije ju se ostaviti bez zaštite od vremenskih uvjeta, bilo ljetnih ili zimskih.

Čak je 90 posto ljudskog tijela zapravo voda, pa je hidratacija važna za normalno funkcioniranje cijelog tijela – pomaže tijelu da upije nutrijente i eliminira toksine, pomaže u održavanju pH ravnoteže, pomaže kod prevencije bubrežnog kamenca, urinarnih infekcija i poboljšanja probave. Jednako tako važan je faktor u očuvanju lijepi i zdrave kože. Hidratacijom koža ostaje elastična i meka, ublažavaju se negativne posljedice starenja, a voda u koži ima i dodatnu funkciju – pospješuje njenu zaštitnu ulogu.

Dobro hidratizirana koža djeluje čvrsto i svježe, a brže zacjeljuje od oštećene. Kad koži nedostaje vlage gubi na

debljini, postaje suha, boja joj je biljeda i vrlo je osjetljiva, a brže se stvaraju bore. Održavanje dobro hidratizirane kože osobito je važno kod dijabetičara.

Nekoliko je načina za održavati dobru vlažnost kože, prije svega pijenjem dovoljnih količina tekućine, a procjenjuje se da je potrebno oko 6-8 čaša vode dnevno, u što se ne računa kava koja je diuretik.

Koža se dodatno može hidratizirati kremama za lice te losionima za tijelo, no treba voditi račina da ne sadržavaju alkohol jer on pospješuje isušivanje kože.

Odnedavno se koža može dodatno hidratizirati i pod tušem zahvaljujući novoj generaciji Nivea In-Shower regeneratora za tijelo s formulom za njegu koju aktivira voda.

U nastavku donosimo 12 trikova za bolju hidrataciju kože:

- Izbjegavajte duge vruće kupke i tuširanje. Tuširajte se maksimalno 10 minuta u mlakoj, nikad prevrućoj vodi.
- Provjerite koliko vam je koža suha. Zagrebite noktom malu površinu kože na ruci ili nozi, ako ostane bijeli trag to znači da vašoj koži treba piling i hidratacija.
- Vrat i dekolte tretirajte na isti način kao i vaše lice.
- Neka vaši beauty proizvodi budu čisti i jednostavni, izbjegavajte one s označom 'antibakterijski' jer znaju iritirati kožu.
- Za mekane ruke i stopala, prije spavanja namažite ih dobro hidratantnom kremom pa navucite mekane rukavice i čarape da se krema dobro upije preko noći.
- Prije sunčanja izbjegavajte parfeme i parfemske losione jer bi vam na koži mogle nastati mrlje.
- Grube laktovе omekšajte nakon pilinge uz pomoć grejpfruta. Prepolovite grejpfrut i umočite u njega svaki na 15 minuta.
- Vježbajte i znojite se – znoj pospješuje eliminaciju toksina iz tijela, a vježba osigurava dobru cirkulaciju.
- Mijenjajte kreme i losione promjenom godišnjih doba – ljeti vam je potrebnija blaža, a zimi jača hidratacija.
- Izbjegavajte pušenje, solarije i pretjerano sunčanje – sve to ubrzava starenje kože.
- Za dvostruku zaštitu kože namažite kremu s vitaminom C preko kreme za zaštitu od sunca. Krema će spriječiti oštećenja kože, dehidraciju i stvaranje bora.
- Ne dirajte lice rukama, na rukama uvijek ima barem malo prljavštine, ne treba je biti i na licu. Osobito izbjegavajte područje oko očiju. Nemojte trljati oči, koža oko njih osobito je osjetljiva i nježna.



POTRAŽITE 3000 SNIŽENIH ARTIKALA

			
BVLGARI Omnia Crystalline edt 40 ml 95,45 , KM 127,25	CARTIER La Panthere edp 30 ml 84,10 , KM 129,35	PACO RABANNE Olympea Intense woman edp 30 ml 66,40 , KM 88,50	BVLGARI Jasmin Noir Charms edp 25 ml 53,10 , KM 96,45
			
VERSACE Crystal Noir edt 30 ml 62,95 , KM 89,95	BOSS Orange Man edt 40ml 63,55 , KM 90,75	CHRISTINA AGUILERA - edp 50 ml - by Night edp 50 ml 35,75 , KM 59,55	PACO RABANNE Invictus man edt 50ml 92,65 , KM 123,50
			
BRUNO BANANI Magic Man edt 30 ml 27,25 , KM 38,90	CATRICE HD Liquid Coverage tekući puder 10,95 , KM 14,55	MAX FACTOR puder u kamenu 05 10,45 , KM 14,95	ARTDECO All in One maskara crna 11,30 , KM 18,80
			
SWAROVSKI ogrlica PLKS29 CRY 27,70 , KM 36,90	LA RIVE poklon set 8,90 , KM 13,60	LA RIVE In Flames ženski set 9,50 , KM 13,60	NIVEA Fresh XXL ženski set 17 9,70 , KM 11,35
			
TESORI D'ORIENTE White Musk ženski set 16 13,35 , KM 15,70	DOVE rejuvenate ženski set (deo+sg) 8,35 , KM 9,85	Snižene sve Caleidos torbe i novčanici	

*Sretne božićne i novogodišnje blagdane želi Vam cm!*Kompletnu ponudu pogledajte na www.cmbih.com ili [cmc cosmetic market](#)

Šta izabratи: Umjetnu ili živu jelku?



Ukoliko ste praktična osoba, vjerovatno nemate ovu dilemu. Umjetna jelka koja se kupuje jednom u nekoliko godina, ne stvara smeće (puno) po kući i da biste došli do nje trebate otići samo do podruma ili tavanu - to je stvar za vas.

Za druge, nema te praktičnosti koja može zamijeniti miris prave novogodišnje jelke u domu.

Na prvi pogled može se činiti da je umjetna jelka ekološki prihvatljivija. Ali, jedna kanadska studija pokazala je da to uopšte nije tako. Montrealska firma "Ellipsos", koja se bavi ekološkim mjerjenjem, izračunala je količine stakleničkih gasova koji se ispuštaju u proizvodnji i transportu umjetnih jelki i onih uzgojenih na plantažama.

Iako se umjetne jelke u prosjeku koriste šest godina, najčešće su plastične i proizvode se u Kini, pa

je njihov ugljični otisak veći. Bolje je kupiti pravo drvo koje je raslo na plantaži, i to po mogućnosti održivoj.

Ali, kako kod nas nije lako utvrditi porijeklo posjećenih jelki koje prodaju, razmotrite neke od patuljastih zimzelenih vrsta koje tokom cijele godine mogu da rastu na vašem balkonu.



JESTE LI SVJESNI DA
**U MINUTI MOŽE
NESTATI SVE ŠTO
STE STVARALI
CIJELI ŽIVOT?**



DOMOS

Kako biste se zaštitili od neželjenih rizika ugovorite DOMOS - jedinstven paket osiguranja imovine koji pruža potpuno i kvalitetno osiguravateljno pokriće Vašeg doma.



Dva najlakša i najjeftinija načina čišćenja veš mašine

Koliko god da vam se čini da je vaša veš mašina čista, budite sigurni da nije tako. Iako zvuči zastrašujuće, vaša veš mašina je pravo leglo bakterija, ali nema potrebe da paničite. Jednostavno je možete dezinfikovati i očistiti u samo nekoliko poteza.

Ako želite da dobro očistite veš mašinu, ne morate da potrošite mnogo novca na skupe preparate. Možete i sami da napravite odličan "deterdžent" za čišćenje veš mašine, a sastojke vjerojatno već imate u kuhinji.

1) SIRĆE I SODA BIKARBONA



Alkoholno sirče će dezinfikovati, pomoći da se ukloni buđ, a kiselina sirčeta ukloniće zakorjele tragove od prašaka za veš ili omekšivača. Ako iz vaše mašine dolaze neprijatni mirisi, onda će soda bikarbona rešiti problem. Ubacite jednu šolju sirčeta, jednu šolju sode bikarbune i vruću vodu pa zavrtite jedan ciklus.

2) SOK OD LIMUNA



Ako imate problema sa rđom, uključite mašinu na najvišu temperaturu, na program za otkuvavanje. Dodajte dvije čaše cijeđenog soka od limuna.

Kad mašina završi, ponovite isto, ali nemojte stavljati sok od limuna. Na ovaj način očistite mašinu od svih nečistoća, uključujući i rđu.



Sredstvo kojim ćete pobijediti buđ u kući



Odgađanje rješenja ovog problema najčešće je potreba za ozbiljnim radovima i ulaganjima. Ipak, postoji recept koji možete izraditi sami u kući, a pomoću kojeg ćete buđ držati pod kontrolom i spriječiti njeno širenje ili ponovo nastajanje.

Buđ predstavlja problem u mnogim domovima, posebno u hladnih prostorima bez dobre izolacije. Takvi prostori su podložni naglim promjenama temperature, u vrijeme niskih temperatura izuzetno su hladni, dok se u vrijeme viših temperatura i unutrašnja penje visoko.

Još jedan problem koji buđ konstantno vraća u naše domove je necirkulisanje

vazduha. Zato su buđi najčešće podložna mala kupatila bez prozora, kakva su zapravo u većini stambenih zgrada.

Da biste se riješili buđi morate naći njen izvor i sasjeći je u korijenu. To znači da vam je potrebna dobra izolacija i ventilacija, odnosno cirkulisanje vazduha.

Ako pak nemate mogućnosti za velika ulaganja u izolaciju, ili ste uradili sve ovo a buđ se ipak pojavljuje, ovo sredstvo će vam dobro doći.

Mješavinu napravljenu od čaše destilovane vode, čaše votke i po dvije kašičice ulja čajevca, eukaliptusa i lavande (opciono) sipajte u bočicu vode sa raspršivačem.

Ako ovim sredstvom želite ukloniti buđ, prvo je naprskađte, ostavite sat vremena pa onda izribajte četkom. Fuge i čoškove izribajte četkicom za zube. Potom, predite još jednom spužvom i suvom krpom.

Kada uklonite buđ, redovno koriste

mješavinu ulja eukaliptusa ili čajevca i vode, ali je nemojte ispirati. Takođe, koliko god je moguće provjetravajte prostoriju.



Uvezši u obzir cijenu čistih eteričnih ulja ovo sredstvo nije tako jeftino, ali imajte na umu da ulja koja su kod nas dosta zanemarena možete koristiti na toliko načina u kući, posebno za čišćenje.

Ulja čajevca i eukaliptusa su posebno efektna, pa ako ništa drugo bar investirajte u njih.

**Sretan Božić i
Nova 2018. godina!**

dolcela *



Najfiniji poklon ovih blagdana.

Zašto blagdanski kolači svaki put ispadnu posebno fini? Zato što ih uvijek radimo za one koje najviše volimo. Neka i ovih blagdana budu posebni, napravite ih za svoje najdraže s puno ljubavi i Dolcelom!

Slatki dodir fantazije

PODRAVKA